

春秋屬辭辨例編

春秋屬辭辨例編卷四十七目錄

列國地名都邑地並見經者 中

齊

穀誤魯之小穀辨 扈非鄭地之扈辨 重邱以爲曹地辨 夾谷  
禮邑辨 寧去齊五百里辨 艾數解辨 艾與艾陵誤爲一地辨

晉

曲沃爲欒氏邑辨 韓非詩韓侯同州韓城之韓辨 箕  
非陽邑之箕辨 邢邱非邢國辨 葵邱非宋地之陳留  
外黃辨 溫卽河陽誤以符爲田因誤以爲非符地辨  
交剛非狄地辨 大鹵大原說 梁山非詩與孟子之梁  
山辨 河曲公羊說辨

鄭

鄭非鄆陵杜注誤從後漢志注辨 克段于鄆公羊說辨  
鄭伯入櫟公羊說辨 僖六年新城杜孔說辨 文十四年  
盟地卽鄭地非宋地辨 莊三年滑宜從公穀作善地卽  
說 扈地盟齊處杜誤爲鄭地辨 晉侯卒處公羊誤爲晉  
地謂卒于封內不地卒于會故地辨 卽作鄆鄭通秦兩  
說 鄭伯卒于鄆公羊謂卒于封內不地以弑故地辨  
亳城爲京城之訛辨

曹

洮與魯地別辨 曹南誤以爲曹都辨

衛與我兩楚邱辨附魯地說清安齊地說匡與鄭地

異辨貫非黃辨誠與魯地別辨馬陵劉昭兩載之誤

水經誤首陽辨以瑣為鄭地辨杜注辨柯與齊邑盟

地異辨瑣澤卽沙澤以瑣為鄭地辨黃池非陳留外黃之黃溝

辨在平邱非封邱辨沙鹿非晉地辨公羊以為邑梁

以鹿為山足辨濮非陳地辨非東郡之濮陽辨穀梁譏

失賊孫氏貶衛臣說辨

春秋屬辭辨例編卷四十七

錢唐張應昌學

○列國地名都邑地並見經者

中

齊

穀誤魯之小穀辨 邑非鄭地之邑辨 追師至鄆以爲  
紀邑辨 牽去齊五百里辨 重邱以爲曹地辨 次谷  
數解辨 艾數解辨 艾與艾陵誤爲一地辨

齊春秋大國併十國之地紀郕譚遂鄆陽萊七國之滅見經如莒之  
故封介根及牟介二國不詳滅之何年以山東全省計之兗州強半  
屬魯泰安與魯參半東昌晉衛錯處他如青州濟南魯地犬牙其間  
齊所全有者武定登萊三府及曹沂所屬數縣而已形勢要害不如  
晉幅員廣遠不如吳楚徒以東至海饒魚鹽之利西至河憑襟帶之  
固南至穆陵有大峴之險北至無棣收廣莫之地用管子計官山府  
海遂成富強豈惟地利抑亦人謀之善也然管子以圖伯陳氏亦用  
以竊國山木如市弗加於山魚鹽蜃蛤弗加於海以國爲餌卒成篡

奪器一也而操之者異豈非得其人則興失其人則亡歟

顧棟高齊疆域論

案齊在春秋疆域全有青州濟南武定登州萊州五府之地獨青州府之安邱諸城二縣闌入莒地後入魯又東昌府之聊城為聊攝堂邑縣為棠邑荏平縣為重邱泰安府治與魯接境又兼有東阿肥城平陰及東平州斗入兗州府之陽穀一縣沂州府之蒙陰一縣與魯衛錯壤又曹州府之范縣為齊廩邱及顧地則齊晉宋魯衛五國交錯處也直隸天津府之慶雲縣為齊無棣地

又

都臨淄史記呂尚先祖嘗為四岳虞夏間封于呂姓姜氏西伯遇于渭陽曰吾太公望子久矣故號曰太公望武王尊曰師尚父既克商封于齊鄭氏詩譜武王封太師呂望地方百里都營邱成王用周公法制實大邦國之境齊受上公之地更方五百里在禹貢青州岱山之陰濰淄之野古少皞氏之墟孔疏據漢志臣瓚注營邱即臨淄城內有邱水所營繞爾雅釋邱孫炎曰齊營邱濰水過其南及東是也昭二十一年傳晏子對景公曰昔爽鳩氏始居此地季荊因之有逢伯陵因之蒲姑氏因之而後太公因之是也其國號曰齊則以天齊淵史記封禪書齊之所以為齊以天齊也水經注淄水

又東逕臨淄縣東得天齊水曰水出南郊山下謂之天齊湖  
天齊之義蘇林曰當天中央齊也其封境史記曰太公封于  
齊兼五諸侯地以尊賢也使召康公命太公曰東至海西至  
河南至穆陵北至無棣五侯九伯實得征之即齊桓所云錫  
我先君履也國語桓公正封疆地南至陶陰西至于濟北  
至于河東至于紀鄒史遷曰自泰山屬之瑯琊北破于海青  
壤二千里太公後傳四世至胡公徙薄姑其弟叔公攻殺胡  
公仍都營邱易名曰臨淄班固曰臨淄名營邱是也應劭以  
北海之營陵為營邱非也臨淄以地臨淄水而名在今山東  
青州府臨淄縣城北○隱三年孔疏譜云太公望成王封之於  
營邱魯公九年魯隱公之元年也簡公四年獲麟之歲也簡  
公弟平公十三年春秋傳終平公二十五年卒後二世七十  
年而田氏奪齊○朱彬經傳攷證曰左傳冬至於海四語服  
虔謂是太公始受封疆所至按史記索隱云今淮南有穆陵  
門是楚境無棣在遼西蓋言征伐所至之域服說不然也索  
隱說得之海實齊東境河則與魯分界南北則後言之耳

邑

贏

禚

穀

柯

祝柯

崔

地

石門

桃邱

從衛改入

黃

扈

莊二十三年與齊盟地

北杏

落姑

夷

陽穀

牡邱

顓

鄒

鄆邱

平州 垂 峯 袁婁 重邱 野井 夾谷

安甫 艾陵

山艾 灤 乾時

桓三年春公會齊侯于贏

杜注齊邑今泰山贏縣按在今泰安府東南五十里顧棟○哀

十一年傳公會吳伐齊克博至贏十五年傳公孫宿以其兵甲

入于贏孟子反於齊止于贏禮記延陵季子適齊其長子死葬

于贏博之間皆此也博贏二邑晉皆屬泰山郡高士

莊二年冬夫人姜氏會齊侯于禚公作郛

莊四年冬公及齊人狩于禚公穀皆作郛

杜注齊地實邑也定九年傳齊侯致禚媚杏于衛杜注三邑皆

齊西界據此當為齊魯衛三國分界之地顧棟○吳氏說見蒐

狩門○說文無禚字有稊字從羔得聲與郛音近故公羊假郛

爲禚

趙坦異文箋

○按論衡書虛篇亦引作郛禚郛音同據此則禚

當卽郛國說文所云周文王子所封國也與南郛北郛別劉炫

難杜亦然

洪亮吉春秋左傳詁

莊七年冬夫人姜氏會齊侯于穀

莊二十三年夏公及齊侯遇于穀

僖二十六年冬公以楚師伐齊取穀

文十七年夏公及齊侯盟于穀

宣十四年冬公孫歸父會齊侯于穀

成五年夏叔孫僑如會晉荀首于穀

襄十九年秋晉士匄侵齊至穀聞齊侯卒乃還

莊七年杜注齊地今濟北穀城縣按僖二十六年傳公伐齊取



穀置桓公子雍楚申公叔侯戍之二十八年傳楚使申叔去穀  
成十七年傳齊國佐以穀叛哀二十七年傳齊陳成子救鄭及  
畱舒達穀七里穀人不知皆此邑也晉屬濟北郡在今兗州府  
東阿縣高士奇  
叅彙纂○按此卽齊桓封管仲之邑高氏誤從左傳以  
爲卽魯所城之小穀辨見舊下○又按水經濟水北過穀城縣  
西酈注管仲邑也城內有夷吾井酈氏亦誤引城  
小穀今刪之縣有穀城山  
莊十三年冬公會齊侯盟于柯

杜注今濟北東阿齊之阿邑也按柯後爲阿邑齊威王烹阿大  
夫卽此猶祝柯今爲祝阿也在魯北境秦時謂之東阿漢置東  
阿縣屬東郡晉屬濟北國今東阿縣屬泰安府高士奇  
顧棟高○與襄  
十九年魯晉會地之柯異詳見衛地

襄十九年春諸侯盟于祝柯柯公作阿

杜注祝柯縣今屬濟南郡左傳諸侯還自沂上盟于督揚杜注  
督揚卽祝阿也按禮記武王封黃帝之後于祝卽此漢爲祝柯  
縣今濟南府長清縣豐齊鎮北有故祝柯城高士奇顧棟高○愚按水  
經注玉水逕獵山東又西北枕祝阿故城東野井亭西春秋之  
祝阿野井也俗謂是水爲祝阿澗水北流注于濟又瓠子河又  
東北過祝阿縣爲濟渠注曰河水自四瀆口出爲濟水濟水二  
瀆合而東注于祝阿○公作阿按柯阿音相近古多通假釋例  
土地名齊地祝柯濟南祝阿縣也左氏莊十三年盟于柯注柯  
齊之阿邑猶祝柯今爲祝阿趙坦異文箋

宣十六年夏齊崔氏出奔衛

成十八年至襄二十五年六書崔杼

按襄二十七年傳崔成請老于崔杜注濟南東朝陽縣西北有  
崔氏城崔之宗邑也今在濟南府章邱縣西北顧棟高○愚按唐

書世系表齊丁公生季子食采于崔水經注漯水又東北逕崔氏城北春秋傳崔成請老于崔者也

以上齊邑

隱三年冬齊鄭盟于石門

杜注齊地盧縣故城西南濟水之門也在今濟南府長清縣西

南顧棟高

○按左氏曰尋盧之盟也鄭伯之車僨于濟盧城在今

長清西南禹貢導沅水東流爲濟今長清有大清河東北入齊河縣卽濟水水經濟水又北過臨邑縣東酈注水有石門以石爲之春秋盟地京相璠曰濟北盧縣故城西南六十里有故石門去水三百步蓋水瀆流移石門舊在岸側也今圯于水

參葉纂高

氏攷略

桓十年秋公會衛侯于桃邱弗遇

杜注衛地濟北東阿縣東南有桃城按漢東阿縣屬東郡晉屬

濟北國今屬泰安府縣西五十里有桃城鋪旁有一丘高可數

仞卽桃邱也

高士奇顧棟高

○江氏按漢東阿縣本齊之柯邑故城在

今兗州府陽穀縣東北後漢分東阿置穀城縣爲今之東阿縣

治今東阿在東平州西北七十里陽穀在州西一百四十里桃

城在東阿陽穀之間舊東阿旣爲齊之柯而陽穀亦齊邑則桃

邱宜屬齊去衛遠衛不能有其地

江永

○愚按水經注濟水又北

逕魚山東左合馬頰水逕桃城東春秋會處

桓十七年春公會齊侯紀侯盟于黃

宜八年夏公子遂如齊至黃乃復

定十二年冬公會齊侯盟于黃

桓十七年杜注齊地按路史登之黃縣東南有古黃城本紀邑

後入齊然登州之黃縣齊東垂也去魯殊遠疑非會盟處葉○

愚按高氏地名攷畧顧氏都邑表齊地下無黃觀宜八年書法

則黃是自魯至齊所經之處當從杜氏爲齊地江氏考實曰水

經注昌國縣有黃山黃阜近青州府之博興則黃地其在此歟

○地里志東萊郡黃縣春秋時屬齊疑卽是盟地洪亮吉春秋左傳詁○

按王氏稗疏疑爲漢琅邪郡之橫縣讀如黃未能審定且疑盟

處與仲遂所經處非一地也

莊十三年春齊宋陳蔡邾會于北杏

杜注齊地當在今泰安府東阿縣境顧棟高

莊二十三年冬公會齊侯盟于扈

扈齊地孫復尊王發微○杜於此及文七年晉會扈並云鄭地在滎陽

卷縣兩注同此條蓋誤也在滎陽者晉會諸侯之地去齊千里

去魯亦遠二國接壤相會以講姻好何為遠涉千里地固有名  
同而實異者傳稱夏有觀扈其地在今東昌之觀城鄰于衛而  
為齊魯之西界孫氏曰齊地得之王夫之碑疏

閔元年秋公及齊侯盟于落姑落公穀作洛

杜注齊地按在今泰安府平陰縣界顧棟高○落二傳作洛或省

文穀梁釋文云一本作路姑路落聲之轉也趙坦異文箋

僖元年秋夫人姜氏薨于夷

杜無注公羊夷者何齊地也○按隱元年紀人伐夷注夷在城  
陽壯武縣漢屬膠東蓋姜自邾徑莒欲沿海以歸齊而齊拒殺  
之也王夫之碑疏○案哀八年公賓庚等與吳師戰于夷明日舍于

庚宗疑即在魯東境梁履繩補釋

僖三年秋齊宋江黃會于陽穀

文十六年春季孫行父會齊侯于陽穀

杜注齊地在東平須昌縣北按宣十六年傳晉衛伐齊至陽穀

昭二十九年傳齊侯與公行陽穀哀二十一年傳公及齊侯邾

子盟于顧公先至于陽穀皆此也漢爲須昌縣後因之在今兗

州府陽穀縣東北三十里縣南有會盟臺卽齊桓會處

高士奇  
顧棟高

僖十五年春入國盟于牡邱

杜注地闕○在今東昌府聊城縣東北七十里春秋會盟處

顧祖

禹讀史方  
輿紀要

○齊地也地譜云與匡近齊語曰築五鹿中牟蓋與

牡邱以衛諸夏之地注云四塞諸夏之關也

張治  
集注

○據齊語是

齊地孫氏云衛地疎矣

徐卓經義  
未詳說

僖十八年夏宋師及齊師戰于廩

杜注齊地按在今濟南府歷城縣界

集

僖二十六年春公追齊師至鄆弗及公穀作鄆

杜注公追齊師遠至齊地濟北穀城縣西有地名鄆下按今東

阿縣西南有鄆下聚高士奇○莊三年紀季以鄆八于齊杜注鄆

紀邑在齊國東安平縣今山東青州府臨淄縣東有安平城又

有鄆亭此年追齊師至鄆杜注鄆齊地濟北穀城縣西有地名

鄆下穀城今山東兗州府東阿縣也鄆在其西南按此則一屬

安平一屬穀城紀在齊東紀邑之鄆則亦在東魯在齊南師至

之鄆則必近魯杜注是也顧氏棟高於此鄆引趙氏木訥以為

紀邑非也焦循春秋左傳補疏○汪氏說見兵書至門

文十六年夏公子遂及齊侯盟于鄆左氏經作鄆公作鄆邱穀作師邱公羊疏又作菑邱

杜注齊地按後漢志汝南新鄆縣周名鄆邱此非齊地也此齊

不肯盟魯納賂以請齊侯必不出境也或云在東阿縣境高士奇



○鄭犀師古音皆相近公羊穀梁並假音字趙坦異文箋

宣元年夏公會齊侯于平州

杜注齊地在泰山牟縣西按今泰安府萊蕪縣西有平州城顧棟

高○按後漢志琅邪郡陽都牟臺注平州在縣西則與泰安遠

疑志誤王夫之稊疏引水經濟水過臨濟迤為淵渚謂之平州

宣八年夏仲遂卒于垂

杜注齊地非魯竟故書地當在今泰安府平陰縣境顧棟高○孔

疏見書大夫卒門○垂有二隱八年桓元年莊四年會過處衛

地也此乃齊地程廷祚地名辨異○愚按趙啟人雜案曰垂與黃是年

齊至黃乃復皆海上邑即史記之黃腫地理志東萊有黃縣腫縣距

曲阜遠辛巳非即遂卒之日至是日始知卒也洪穉存春秋詒

曰黃腫俱屬漢東萊郡皆齊地遂自黃復故卒于垂腫垂同按

東萊在海濱似非魯至齊所經二說恐未是

成二年夏齊晉戰于鞏

杜注齊地高氏曰穀梁傳云鞏去齊五百里袁婁去齊五十里一戰餘地五百里孔穎達駁之按括地志及通典並以鞏在平陰縣今平陰至臨淄果得五百餘里以傳會穀梁之說似可信然以本傳考之王申晉師至靡笄之下癸酉師陳于鞏自始合以至齊敗三周華不注止爲一日事華不注山在濟南城北見于水經若云鞏在平陰則去濟南二百三十里何由一奔遂至於此近志云鞏卽古之厯下也經書戰于鞏而國語但云靡笄之役知靡笄與鞏爲一地杜注靡笄山名史記云戰于靡下徐廣云靡當作厯蓋因靡笄之下省文爲靡下靡字又訛而爲厯耳志曰厯山卽靡笄之山也按高氏之說極精鞏在今濟南府

歷城無疑顧棟高列國犬牙相錯表參高士奇考略○通典濟州平陰縣註云左傳

齊晉戰鞏故城在縣東蓋唐世鞏故城尚存故杜以爲據余意

鞏在今平陰東北四五十里其去華不注山亦一百三四十里

朝而戰於鞏勝而逐之一百三四十里之山下且三周焉所謂

餘勇可賈也閻若璩潛邱劄記○錢學士大昕云傳文祇有壬申請戰

癸酉陳師傳既有滅此朝食之文則晉之敗齊師必於此日矣

自逐之三周華不注以下至從徐關入皆不書曰古人車戰師

行日三十里卽逐利過行亦必無一日行百四五十里之事穀

梁云鞏去齊五百里指齊都臨淄而言歷城非齊都亦不必疑

其道里之不合閻說誤梁履繩補釋

成二年秋齊侯使國佐如師及國佐盟于袁婁穀作爰婁

杜釋例地名闕註但引穀梁曰袁婁去齊五十里張氏洽曰臨

淄縣西有袁婁約略之語耳或曰在淄川縣境顧棟高○按臨淄縣屬青州府

淄川縣屬濟南府○按穀梁又曰袁婁在師之外公羊曰逮于袁婁而

與之盟是師猶未至袁婁公穀二傳並為近郊之辭高士奇○家

氏說見盟于師書及門○及袁僑盟不書地及國佐盟書地者

書袁婁以見其進盟之逼也李廉會通

襄二十五年秋諸侯同盟于重邱

杜注齊地按襄字記聊城縣東北有重邱襄二十五年諸侯會

盟處聊城今東昌府治又按濟南府德州亦有重邱城按此疑

平原郡之重邱或云會盟處以經文考之公會諸侯于夷儀同盟于重

邱夷儀今順德府地去東昌為近自夷儀涉齊境則其地當在

聊城彙纂○襄十七年傳衛孫蒯伐曹取重邱杜注曹地與此別

杜注甚明方輿記要以此為曹北境之邑非顧棟高地○曹之

重邱不可考東昌府則春秋時曹境不得至此程廷祚地名辨異○重

邱齊地盟于齊地則明著其釋弑君之罪而不問矣張自超宗朱辨義

昭二十五年秋齊侯唁公于野井

杜注濟南祝阿縣東有野井亭按在今齊河縣東濟河北岸葉

○傳云齊侯將唁公于平陰公先至于野井平陰在濟北盧縣

西南高士奇○平陰去齊遠陽州又遠野井去齊近齊侯將唁公

于平陰而公先至野井齊侯所謂寡人之罪者以此邵寶左編

定十年夏公會齊侯于夾谷火公穀作頓

左傳公會齊侯于祝其賢夾谷杜注夾谷即祝其也後漢志因

之謂東海郡祝其縣即古夾谷然僻處海隅去齊魯之都遠非

會盟之輟所宜至一統志云濟南淄川縣西南二十里有夾山

舊名祝其山其陽有夾谷臺為魯齊會處然兩君相會不應去

齊若此之近去魯若此之遠今泰安府萊蕪縣有夾谷峪名勝

志以爲萊兵劫魯侯處庶幾近之

萊蕪參高士奇

○後漢東海之夾谷

卽祝其今江南海州贛榆縣是其地也史記注司馬彪服虔皆

云在東海祝其縣

見周本紀正義齊世家孔子世家集解

劉昭志杜佑通典因之

遂謂夾谷山在今贛榆按贛榆在春秋爲莒地北至曲阜三百

餘里而齊更在魯北齊強魯弱豈能屈駕至魯之南境而與會

邪當時景公之觀不過曰遵海而南放於琅邪而已未聞越他

國之境何至若此之遠顧炎武云在今萊蕪縣水經注萊蕪縣

城在萊蕪谷舊說云齊靈公城萊萊民播流此谷邑落荒蕪故

曰萊蕪夾谷之會齊使萊人以兵劫魯侯

淄水條下

是會地在此故

得有萊人非召諸千里之外也不可泥祝其之名而遠求之海

上矣

江永考實顧炎武杜解補正又日知錄又顧棟高杜注正譌篇

○漢祝其屬東海郡後漢

志以夾谷當之又云祝其有羽山則明是今淮安之海州乃鄭

莒之境齊魯不應遠涉按萊蕪淄川皆有夾谷在萊蕪者鄭注

謂是家桑谷在淄川者一曰祝其則此夾谷為淄川之境魯東

齊西正其地矣春秋之祝其非漢之祝其也王夫之稗疏四

注之失愚按此所考證更精確既協左氏傳文且與一統志合

似勝江顧所辨當為定論矣若所疑不應去齊太近去魯太遠

則兩國相會豈必皆適中處邪不必疑也 ○隱八年正義曰地有兩名新舊改易者

傳則言實以明之若二名俱存者傳則錯經以見之昭十八年

傳冬楚子使王子勝遷許於析實白羽注於時白羽改為析水

經注公及齊平會於祝其實夾谷也服虔曰地二名據是則祝

其夾谷即一地因改易而名異也武億羣經義證 ○二傳作頰音同義

通古或通用趙坦異文箋 ○夾蓋頰之省文張壽恭古義

定十八年冬齊衛鄭會于安甫安甫公作壽穀梁甫亦作浦

杜注地闕張洽傳曰齊地

高士奇顧棟高

○安甫公作鞏安鞏音同或

脫甫字

趙坦異文箋

○愚按地譜云今屬鄆州平陰縣公羊作鞏成

二年戰地括地志通典並云鞏在平陰然考成二年傳師陳于鞏三周華不注則在厯下去平陰遠此安甫公羊作鞏非前戰處也顧氏棟高謂在滋陽縣境

哀十一年夏公會吳伐齊戰于艾陵

杜注齊地攷辨見下艾山

以上齊地

隱六年夏公會齊侯盟于艾

桓十五年夏公會齊侯于艾

穀梁作蒿公羊作朝

杜注泰山牟縣東南有艾山不言齊地疑地在齊魯之間漢牟縣屬泰山郡晉因之在今沂州府蒙陰縣西北又哀十一年及



齊師戰于艾陵孔氏曰在博縣南六十里在今泰安府泰安縣東南與此自別張守節謂艾與艾陵爲一地者誤

高士奇

○張

見史記春申君傳正義

○艾山在今蒙陰縣西北萊蕪縣東桑欽水經沂

水出泰山蓋縣艾山漢蓋縣在今沂水縣西北沂水與蒙陰相

鄰以地勢準之亦相近也

顧氏山川表

○杜云泰山牟縣有艾山而

水經云沂水出泰山蓋縣之艾山南過琅邪臨沂酈注地近莒

之浮來後漢志琅邪臨沂縣注引春秋杜注曰縣有艾山與左

注云牟縣者異按沂水有二一在曲阜漢晉以下曲阜并入魯

之蓋縣其水南流入泗一在琅邪東流入海而蓋縣亦有二一

在曲阜讀如字一齊邑古蓋反近莒後爲王驩食邑是以互相

淆訛艾山自在琅邪之蓋云泰山者非也曲阜之蓋近魯都齊

肯來盟乎其在齊南魯東近浮來而屬琅邪明矣

王夫之

○括

地志云艾山在兗州博城縣南百六十里本齊博邑史記在子胥傳正義

引杜氏土地名於隱六年艾云泰山牟縣東南有艾山又琅邪

臨沂縣東有艾亭於此傳艾陵云關雖並屬齊別爲二地明矣

牟縣爲今山東蒙陰縣臨沂縣爲今蘭山縣皆隸沂州府博城

縣爲今泰安府泰安縣去沂州二百餘里括地志云艾山在博

城南百六十里豈艾山縣互甚廣連屬數縣之境邪梁履繩補釋○

左傳哀十年吳伐齊克博取贏乃敗於艾陵則艾陵不得在臨

沂今泰安府萊蕪縣東北有艾陵亭卽其地故牟城在縣東二

十里博卽今泰安府治贏在府東南五十里臨沂今沂州府張琦

戰國策釋地○按據此則所云在泰山牟縣東南今蒙陰縣西北者乃是艾陵也

桓十五年夏許叔入于許公會齊侯于艾左氏傳曰謀定許也

蓋許國與齊魯相接齊魯二君會于艾謀定許於地理皆順况

隱公六年嘗盟于艾矣當以艾字爲是啖趙春秋纂例地名譜  
於桓公十五年不著蒿地而盟會譜於桓公十五年曰公會齊  
侯于艾既於盟會譜言艾而於差謬略反曰公會齊侯于蒿則  
知蒿字爲非矣方輿紀要云艾山在青州府蒙陰縣西北百二  
十里與沂水縣接界水經注以爲沂水出于此山也徐卓經義未詳說  
○公作鄆穀作蒿蒿鄆同音艾蒿同物阮元公羊傳校勘記

桓十八年春公會齊侯于濞

濞水杜注在濟南歷城縣西北入濟按今趵突泉卽濞水之源  
蓋濟水伏流重發處纂○水經注濟水又東北濞水入焉水出  
歷城西南泉源上奮水涌若輪俗謂之娥姜水以有舜妃娥英  
廟故也城南山上有舜祠○濞卽今之小清河濟之南源也源  
發趵突泉在濟南府城西南經城北而東合大明河又東北經

華不注山合華泉又東北入大清河謂之濼口即濟瀆也

水經注濼

水北流注于濼謂之濼口宋南渡時分流入章邱縣界謂之小清河

高士奇顧棟高

莊九年秋及齊師戰于乾時

杜注時水出樂安縣界支流旱則竭涸故曰乾時按水經注樂安博昌縣南界有時水西通濟其源上出盤陽北至高苑下有死時即春秋之乾時也志云時水出今臨淄縣西南二十五里蓋伏淄所發亦謂之彫水平地出泉曰彫襄三年傳齊侯與晉士匄盟于彫外即此水經注又謂之時澗水以下流與澗水合也漢志註又謂之如水如與時音相近

高士奇顧棟高

### 以上齊山川

晉

曲沃為樂氏邑辨韓非詩韓侯同州韓城之韓辨

非陽邑之箕辨邢邱非邢國辨

外黃辨溫即河陽誤以狩為田因誤以為非狩地辨

交剛非狄地辨大鹵大原說

梁山非詩與孟子之梁

山辨 河曲公羊說辨

晉當春秋之初翼侯中衰曲沃內亂不與東諸侯之會盟疑於荒遠然其地實近王畿是時周新東遷列侯未甚兼併沈如蓐黃處在太原虞虢焦滑霍楊韓魏列于四境晉於其中特彈丸黑子之地勢微甚而桓莊之時猶能命諸侯以討有罪曲沃之叛也王命虢公伐曲沃至翼侯滅矣而虢仲芮伯荀侯賈伯同日興師庶幾方伯連師之義安在江漢常武不可再睹哉而釐王貪其寶賂列爲諸侯肆其狂獗吞滅小國自武獻之世兼國多矣以不赴告故經不書不復可考見蓋天下之無王自晉始及勢旣強大乃復勤王以求諸侯周室之不亡于晉有重賴焉案晉所滅十八國又衛滅之邢秦滅之滑皆歸于晉景公時翦滅衆狄盡收其前日蹂躪中國之地又東得衛之殷墟鄭之虎牢自西及東延袤二千餘里自滅虢據崤函之固啟南陽

扼孟門太行之險南據虎牢北據邯鄲擅河內之殷墟連肥鼓之勁  
地西入秦域東軼齊境天下扼塞鞏固之區無不爲晉有然後以守  
則固以攻則勝擁衛天子鞭笞列國周室藉以綿延者二百年是猶  
倒持太阿之柄以與人而復假之以自衛也然使晉不兼併諸國周  
亦無能聯絡形勢以自強何則周行封建其勢散而晉併列國爲郡  
邑其勢聚封建之不如郡縣自春秋之世不已較然哉

顧棟高晉  
疆域論

案晉所滅十八國又衛滅之邢秦滅之滑皆歸于晉景公時翦滅衆  
狄盡收其前日蹂躪中國之地又東得衛之殷墟鄭之虎牢自西及  
東延袤二千餘里有山西全省又有直隸大名府之元城縣爲沙鹿  
山晉所取之五鹿地廣平府之邯鄲成安清河永年四縣順德府治  
與邢臺任唐山三縣俱與衛境真定府之晉州趙州冀州接及藁城  
欒城柏鄉臨城四縣山東東昌府之恩縣冠縣曹州府之范縣與齊

魯二國接境又河南懷慶府之濟源修武孟溫四縣衛輝府之汲縣  
淇縣輝縣濬縣新鄉縣南自解州平陸縣渡河有河南府之陝州閿  
鄉靈寶桃林之塞在焉永甯澠池偃師三縣後又得嵩縣陸渾地與  
周接境其西自蒲州永濟縣渡河有陝西同州府之朝邑韓城澄城  
白水四縣及華州華陰縣又延安府爲晉河西上郡西安府之臨潼  
縣爲所滅驪戎地商州爲晉上雒及蒗和倉野之地俱與秦接境後  
驪戎地入秦爲侯麗地跨五省共二十二府五州

曲沃伯以一軍爲侯次第滅虞虢霍韓魏皆同姓國欒枝曰漢陽諸  
姬楚實盡之晉惡有甚焉文公主盟載書曰大無侵小而其先之吞

筮邾服者莫敢問後世又滅肥潞鼓陸渾兼地數圻矣

張尚瑗左傳折諸卷首

都晉陽遷絳又遷新田別都曲沃成王封弟叔虞于唐在河汾

之東方百里都大夏卽晉陽爲今山西太原府之太原縣昭

元年傳高辛氏子實沈遷大夏唐人是因成王滅唐而封太

叔杜注大夏晉陽也曰大夏曰大原曰大鹵曰夏墟曰唐曰

晉曰鄂左傳所稱凡七名皆指晉陽一地唐大夏大原見昭  
元年傳夏虛見定四年傳大鹵見昭元年經公羊作太原鄂  
見隱六年傳水經晉水篇注晉陽城在晉水之陽故曰晉陽  
後為趙氏食邑古唐國在今縣治北唐叔之子燮父改唐為  
晉漢志云唐有晉水故名○四世至成侯南徙曲沃又五世  
至穆侯復遷于絳亦曰翼穆侯太子曰仇即文侯其弟曰成  
師即桓叔文侯卒子昭侯封桓叔于曲沃其子莊伯浸強時  
謂晉侯為翼侯桓八年武公遂滅翼自曲沃徙都之王命為  
晉侯水經注引鄭氏詩譜云穆侯遷絳孝侯繼昭侯而立改  
絳曰翼武公子獻公廣其城又命之曰絳莊二十六年傳土  
薦城絳以深其宮是也成六年遷新田後謂之故絳杜注絳  
平陽絳邑縣翼在絳東按鄭氏所引則翼絳一地也杜云翼  
在絳東鄭云廣其城或者即一城而鄭大之乎其地今為絳  
縣翼城縣均屬平陽府○成六年晉遷新田此後命新田為  
絳而以舊都為故絳襄二十三年傳欒盈晝入絳昭十年傳  
秦后子造舟舍車自雍及絳二十九年傳欒盈晝入絳昭十  
年傳趙鞅歸晉入于絳皆指新田之絳今為平陽府見下  
鄭氏詩譜成王封叔虞於堯之故墟曰唐侯南有晉水至子  
燮改為晉侯其封域在禹貢冀州太行恆山之西太原太岳  
之野○隱五年孔疏鄂侯二年魯隱之元年定公三十一年  
獲麟之歲出公八年春秋傳終出公十七年卒自出公以下  
五世八十二年而韓趙魏滅晉○閻若璩潛邱劄記曰晉孝  
侯號翼侯曲沃武公滅翼以一軍為晉侯史記云始都晉國



晉國卽其始封之曲沃在今聞喜縣東北去翼都約一百五十里子獻公史記云始都絳驪軒越七世至景公遷新田在曲沃縣南○顯炎武日知錄曰晉自武公滅翼以一軍爲晉侯其時疆土未廣獻公滅楊今洪洞縣滅霍今霍州滅耿今河津縣滅魏今蒲州滅虞今平陸縣重耳居蒲在今隰州夷吾居屈在今吉州申生居曲沃在今聞喜縣而絳都在今太平縣不過今平陽一府之境及滅虢滅焦皆在今陝州則跨大河之南至秦征晉河東內及解梁在今臨晉縣狄取狐廚在今甯鄉晉境稍蹙文公啟南陽得今之懷慶襄公敗秦後惠公賂秦之地復爲晉有而以河西爲境若霍太山以北皆狄地悼公用魏絳之謀以貨易土平公時荀吳又敗狄于太原於是晉之北境至於洞淵維陰之間矣成公滅潞氏得今之路安頃公滅肥及鼓得今之眞定一一可考

曲沃

邑 韓 箕 邢邱 乾侯 五氏 晉陽 朝歌

地 葵邱從宋改入 溫河陽 合狐 黑壤黃父斷道 赤棘

交剛 茗邱 長檮 雞澤 雍榆 大鹵 適歷

出 殺 梁山 河曲 沙鹿改入蒲

襄二十三年夏晉欒盈復入于晉入于曲沃

昭侯封桓叔于曲沃師服曰天子建國諸侯立家今晉甸侯也而建國言大邑不當以封也隱五年曲沃莊伯伐翼叛王桓八年曲沃滅翼王命虢公等再伐之至莊十六年王命曲沃伯以一軍爲晉侯自桓叔初封至武公併晉厯三世武公徙絳曲沃復爲大邑驪姬使言于獻公曰曲沃君之宗也不可以無主於是獻公城曲沃使太子申生居之亦謂之新城亦謂之下國新城以城曲沃而名下國以其爲晉之舊國也新城卽曲沃見僖四年傳杜注下國卽曲沃見僖十年傳杜注僖二十四年晉公子入于曲沃朝于武宮蓋武公廟所在也後屬欒氏晉亡入魏秦謂之左邑水經注秦左邑縣故曲沃詩所謂從子于鵠者也漢武帝分左邑縣地置聞喜縣東漢罷左邑移聞喜縣治焉隱

元年傳杜注曲沃在河東聞喜縣是也今左邑故城在今聞喜

縣東高士奇顧棟高○高氏閱說見復入門○杜云欒盈邑也愚謂曲

沃晉宗廟所在非食邑如齊崔氏猶以崔為宗邑而云必在宗

主宋桓魋易薄公曰不可薄宗邑也晉亦有之如絳之屬趙武

正義以為晉卿分掌公邑是也欒氏邑本今真定府欒城縣非

曲沃也傳逕左注辨誤○傳說是也使果欒氏邑何欒氏出奔而邑宰

胥午猶不易乎按欒盈乃晉靖侯孫欒賓之後故得為公族大

夫而所掌之邑在曲沃朱鶴齡讀左日鈔○曲沃有二一為今絳州曲

沃聞喜二縣此桓叔所封也一在今陝州西南水經注曰晉侯

使詹嘉守桃林之塞處此以備秦時以曲沃之官守之故名戰

國策齊楚攻秦取曲沃應在此張琦戰國策釋地

以上晉別都

僖十五年冬晉秦戰于韓

十年傳杜注晉地按北地志同州韓城縣南十八里爲古韓國  
竹書晉文侯二十四年晉人滅韓在春秋前後爲桓叔子韓萬

封邑在今陝西同州府韓城縣東南二十里

高士奇  
顯棟高

○江氏按

同州之韓城地在河西本秦漢之夏陽縣地隋析置韓城縣秦  
晉戰地當在河東傳云涉河侯車收注謂秦伯之車涉河則晉  
侯車敗傳又繼之曰三敗及韓又晉侯曰寇深矣則韓原不在  
河西姓氏書平王時晉滅韓曲沃併晉韓萬爲戎御復采韓原  
則韓萬之采邑是韓原蓋在山西平陽府河津萬泉之間非同  
州之韓城也

愚按宣十二年左傳孔疏曰韓世家云韓武子  
封韓原所云武子蓋韓萬也韓萬見桓三年傳至

於詩之韓侯春秋傳之邾晉應韓國地所在攷王符潛夫論云

周宣王時有韓侯其國近燕水經注聖水逕方城縣北又東南

逕韓侯城東詩溥彼韓城燕師所完方城今爲順天府之固安縣與詩之王錫韓侯其追其陌奄受北國者正相符使韓國在關中豈役燕師爲之築城又何能受追陌北國乎括地志誤也或又以梁山在韓城爲可據則不知燕地亦自有梁山水經注鮑邱水過潞縣西高粱水注之水東逕梁山按潞縣今之通州其西有梁山正當固安之東北與晉之梁山名偶同耳江○顧永○顧亭林日知錄曰及韓在涉河之後是韓在河東故杜注但云晉地史記正義引括地志云韓原在同州韓城縣非也召南按此韓與古韓國在韓城以梁山爲望者不同後漢郡國志曰河東郡河北縣有韓亭當是齊召南左傳註疏考證○晉所滅者當是同州韓城縣之古韓國至水經注之韓城引詩韓奕篇爲證王肅曰涿郡方城縣有韓城魏地形志亦同此又一韓更與晉無涉王符

時世本猶存故其邢晉應韓之下復有韓國秦嘉謨世本韓補氏姓篇

倍三十三年秋晉人敗狄于箕

杜注太原陽邑縣南有箕城按昭二十二年傳叔孫婼如晉館諸箕卽此在今太原府太谷縣東南三十五里高士奇顧棟高○江氏

按此年狄伐晉白狄也白狄在西河渡河而伐晉箕地當近河

成十三年傳云秦入我河縣焚我箕郛是近河有箕今山西隰

州蒲縣本漢河東郡蒲子縣地東北有箕城晉敗狄當在此若

太谷之箕去白狄遠別是一地江永○陽邑今太谷襄公時未爲

晉有傳言狄伐晉及箕猶之言齊伐我及清也必其近國之地

也呂相絕秦曰焚我箕郛必邊河之邑秦狄皆可爭顧炎武日知錄

襄八年夏會于邢邱

按宣六年傳赤狄伐晉圍懷及邢邱昭五年傳晉侯送女于邢

邱子產相鄭伯會晉侯于邢邱皆此也杜注今河內平皋縣按

今懷慶府河內縣東南七十里有平皋故城高士奇顧棟高○愚按水

經注濟水逕隕城又東逕平皋城引應劭說及薛瓚所辨與漢

地里志注同應氏曰在河之皋勢處平夷故曰平皋是也惟以

爲故邢國地則非○邢邱之邢从开篆作井邢國之邢从开音

同文異邢國初封在順德府邢臺縣漢曰襄國後遷夷儀在東

昌府聊城縣衛滅之地入于衛邢邱非國也地在懷慶韓詩外

傳武王伐紂至此修武勒邱更名邢邱曰懷甯曰修武懷今武

陟縣也然懷之名古已有之書曰覃懷底績史記秦伐魏拔懷

又拔邢邱索隱曰邢邱在武陟縣東南二十里平皋是也應劭

誤以爲故邢國漢志河內郡平皋注臣瓚辨之曰邢遷夷儀在

襄國西不至此也此是邱名非國顏師古亦斥應說之非後漢

志以邢邱爲邢國亦仍應氏之誤

王夫之稗疏馬宗璣左傳補注參

昭二十八年春公如晉次于乾侯

又二十九年春公至自乾侯居于鄆 公如晉次于乾侯

又三十年春公在乾侯

又三十一年春公在乾侯 夏晉侯使荀躒唁公于乾侯

又三十二年春公在乾侯取闚 冬公薨于乾侯

定元年夏公之喪至自乾侯

杜注晉境內邑在魏郡斥邱縣縣爲漢置闚駟曰地多斥鹵故

曰斥邱今直隸廣平府成安縣東南有斥邱古城高士奇顧棟高○漢

書顏師古注乾音干言其地水常涸也

江永

○愚按水經注白溝

河逕斥邱縣故城縣南角有斥邱蓋因邱以氏縣故乾侯地○

說文別立鄆字猶釜口加水爲溢斥章加水爲漳耳

汪師韓韓門經學



定九年秋齊侯衛侯次于五氏

杜氏土地名闕按傳衛侯如五氏杜注齊侯在五氏將往助之

蓋五氏爲晉大夫邯鄲午私邑衛助齊伐之亦曰寒氏十年傳

初衛侯伐邯鄲午于寒氏及晉圍衛午以徒七十人門于衛西

門報寒氏之役杜注寒氏卽五氏前年衛助齊伐五氏是也今

直隸廣平府邯鄲縣西有五氏城

高士奇顧棟高○讀史方輿紀要說司

定十三年秋晉趙鞅入于晉陽以叛

卽唐叔始封所都之大夏後曰晉陽爲趙氏食邑簡子使尹鐸

爲晉陽及智伯攻趙襄子走晉陽智伯與韓魏圍而灌之沈寤

產鼃民無叛意卒滅智伯秦拔趙晉陽置太原郡餘見前

高士奇

定十三年冬晉荀寅士吉射入于朝歌以叛

今衛輝府之淇縣本衛故都衛徙楚邱河內殷虛屬晉襄二十

三年傳齊伐晉取朝歌是也晉人亦謂之舊衛竹書紀年晉定公三十八年淇絕于舊衛是也或謂朝歌以北曰衛貢趙鞅曰歸我衛貢五百家是也餘詳衛地高士奇

以上晉邑

僖九年夏會于葵邱 秋盟于葵邱

杜注宋地陳畱外黃縣東有葵邱孔疏宰孔稱齊侯不務德而勤遠略西爲此會則此地遠處齊西與莊八年傳連稱管至父所戍葵邱之在臨淄者不同故釋例屬之宋地後漢志外黃有葵邱聚水經注黃溝自外黃城南東逕葵邱下齊桓會此高士奇棟高○按葵邱有三一在齊管至父所戍地一在陳畱之外黃一在晉之汾陰見水經注杜預以爲外黃亦有以爲汾陰者杜非之謂若是汾陰則晉乃地主豈有不預會之理然愚以爲宰孔

言西略而以爲陳畱是仍東略則宜在汾陰也蓋不服齊桓者

楚而晉實次之周惠王之言可驗也故特爲會于晉地以致之

晉侯已赴會以宰孔之言而還是歲晉獻卒齊桓爲之討亂

見左

傳

職是故也

全祖望經史問答

○傳云西爲此會以水經注爲是

洪亮吉春

秋左傳詰

○愚按全氏洪氏所辨是水經注本有兩葵邱杜誤引耳

僖二十八年冬會于溫天王狩于河陽

溫杜無注河陽杜注晉地今河內有河陽縣孔疏穀梁傳曰水

北爲陽山南爲陽溫河陽也會于溫言小諸侯以河陽言之大

天子也范注溫河陽同耳小諸侯故以一邑言之尊天子故以

廣大言之然則河陽與溫止是一地天子諸侯田獵皆於封內

河陽屬晉非王狩所故傳言非其地

以上孔疏

按此地本周之盟邑

隱十一年傳王與鄭人蘇忿生之田有盟杜注今盟津盟音孟

武王會諸侯于孟津卽此地後歸晉謂之河陽漢置縣屬河內

郡今懷慶府孟縣西南三十里有古河陽城

高士奇顧棟高

○河陽與

溫止是一地不云狩于溫而云狩于河陽者嫌與諸侯同處于

溫故別之

程端學本義

○晉以溫爲王所賜地會諸侯於此而卽欲

王至其地一藉寵靈焉書會溫狩河陽朝王所若諸侯自相爲

會王適以狩而至而諸侯因朝焉則王與諸侯兩無嫌也

姜寶事義

全考

○溫爲晉邑致天子于溫則於晉近逸已而勞天子不可爲

訓故必書曰天王狩于河陽若出天子之意然也踐土鄭地於

晉猶遠但書朝于王所足矣

姚鼐公羊傳補注

○按陽樊溫原襄王雖

以與晉猶爲畿內之地故天子得往狩焉傳于莊二十一年言

王巡號守文元年言王在溫晉侯朝王于溫號與溫皆王畿也

可證是時巡狩之禮雖廢其名尚存襄王以後周地益狹人并

不知河陽之爲王畿而傳亦以非其地言之矣

朱鶴齡讀左日鈔○古

有巡狩之禮王狩而諸侯朝則其名正傳誤以爲田獵之狩故

云非其地耳

又

○周頌巡守之詩曰於皇時周陟其高山臨山

喬嶽允猶翕河然則河嶽乃天王巡守之地故穀梁子曰溫河

陽也言溫小諸侯言河陽大天子左氏云非其地者言溫非巡

守之地巡守必于河嶽故大其辭曰河陽

惠士奇春秋說

○愚按朱氏

辨左氏非其地之誤是也惠氏本穀梁以解左氏義別而亦通

文二年夏晉秦戰于令狐

按僖二十四年傳晉公子濟河圍令狐入桑泉取曰衰卽此杜

注桑泉曰城在河東解縣令狐杜無注闕駟曰令狐卽猗氏也

今蒲州府猗氏縣西十五里有令狐城

高士奇顧棟高

○傳云敗秦師

于令狐至于剗首杜注令狐在河東當與剗首相接水經注剗

首在令狐西三十里當在今蒲州府滎河臨晉間也

江永

宣七年冬會于黑壤

昭二十五年夏會于黃父

按文十七年傳晉侯蒐于黃父杜注一名黑壤晉地宣七年經書黑壤傳云盟于黃父是一地二名也黑壤山在今澤州府沁水縣西北四十里澮水所出

高士奇顧棟高

宣十七年夏同盟于斷道

杜注晉地傳云卷楚一地二名今沁州東有斷梁城三面絕澗

廣袤二里

高士奇顧棟高

成元年夏臧孫許及晉侯盟于赤棘

杜注晉地○十二年晉楚盟赤棘卽此所在未詳

高岱春秋地名攷補

成十二年秋晉人敗狄于交剛

杜注闕或曰在今隰州境

高士奇顧棟高

○按此白狄也交剛當在河

東之地與河西延安府相近

江永

○案齊語桓公西征攘白翟之

地至於西河卽今山西永甯州境是永甯州春秋時屬狄地隰

州春秋時屬晉地永甯州與隰州兩城相距僅二百里若在郊

野接界不過百里朝發夕可至傳云狄人侵晉侵則已入晉境

非狄地矣當從顧氏或以爲鄭地狄地者非

徐卓經義未詳說

成十六年秋晉人執季孫行父舍之于莒邱

荖公作招

杜注晉地○愚按劉敞意林曰執之以歸而未至故不可言以

歸不可言以歸故曰舍之于莒邱莒邱非晉地明矣若爲晉地

則必曰以歸矣

此說侯考

○荖招並有韶音故公羊作招

趙坦異文箋

襄三年夏公及晉侯盟于長檮公至自晉

杜注晉侯出國都與公盟于外孔疏蓋近城之地盟訖還入于

晉故公歸書至自晉也文三年盟于晉都此盟出城外者悼公  
謙以待人不政使國君就己高士奇○恭看公如伯國受盟門

又 同盟于雞澤

此傳云晉侯之弟揚干亂行于曲梁按杜注雞澤在廣平曲梁  
縣西南又宣十五年傳晉荀林父敗赤狄于曲梁杜注曲梁今  
廣平曲梁縣杜佑曰曲梁在春秋爲赤狄之地林父敗狄于曲  
梁遂滅潞漢置曲梁縣宣帝時爲侯邑後漢志魏郡曲梁侯國  
有雞澤水經注漳水東爲清澤曲梁縣之雞澤也卷十國語作雞

邱高士奇○按今曲梁故城在直隸廣平府東北江永

襄二十三年秋叔孫豹救晉次于雍榆榆公穀作渝外傳作韻俞

杜注晉地汲郡朝歌縣東有雍城按水經注淇水自宿胥故瀆  
又東北流謂之白溝經雍榆城南城東又北至頓邱今雍榆故



城在衛輝府濬縣西南高士奇○榆公穀作渝假音字趙坦異

昭元年夏晉荀吳敗狄于大鹵公穀作太原

杜注大鹵太原晉陽縣按今爲太原府太原縣唐叔舊都見前

○書曰既修太原春秋說題辭曰高平曰太原廣平曰大鹵穀

梁傳曰中國曰太原夷狄曰大鹵高氏○說文鹵西方鹹地也

天生曰鹵人生曰鹽鹽在東方鹵在西方也釋元應一切經音義卷九○說

文西方謂之鹵易曰兌爲剛鹵西方之澤也春秋大原爲大鹵

亦西方也張洽○地不生物曰鹵鹵鹽也如鹽火處也劉熙○

高平曰太原原端也平而有度水經汾○左氏經作大鹵從古

史文左氏傳及公穀經傳俱作大原從中國稱義既不同故字

互異趙坦異○公羊傳地物從中國何注以中國邑人名從主

人何注從夷謂大鹵從狄邑名之大原從其地形廣平名之也

孔廣森公羊通義

○詩薄伐玁狁至于太原後漢書載穆王征犬戎遷

戎太原夷王時荒服不朝命虢公伐太原而戎至于俞泉宣王

伐太原戎不克蓋自穆王遷戎而太原爲戎狄之居宣王僅能

驅之出竟其後料民太原而戎患益深驪山禍兆於此

土應麟田學紀

閭○太原周時迫近戎狄故祝佗言成王封唐叔於夏虛疆以

戎索籍談言晉居深山戎狄之與鄰景王言唐叔受分器以處

參虛匡有戎狄其地華戎錯居故穀梁有夷狄曰大鹵之說

胡

禹貢

○杜預春秋釋例云晉大鹵太原大夏參虛晉陽一地六

名攷左氏經昭元年晉敗狄于大鹵三傳皆作太原穀梁云中

國曰太原夷狄曰大鹵此大鹵之名所出禹貢既修太原及左

傳臺駘處太原六月宣王北伐之詩曰至于太原此太原之名

所出又左傳遷寶沈于大夏史記禹鑿龍門通大夏齊桓公西

伐大夏此大夏之名所出又左傳景王言唐叔受分器以處參  
虛此參虛之名所出又春秋定十三年晉趙鞅入于晉陽以叛  
此晉陽之名所出皆卽太原一地也

王鳴盛尚書後案

○太原在晉東

北殆狄爲晉邊鄙患晉敗之歟

趙鵬飛經筵

○左氏以狄爲無終羣

狄而杜注以大鹵爲太原晉陽縣皆非也無終卽山戎不稱狄  
且在太原東北二千里安得至此而鹵者地不生物之謂不可  
以言原竊意大鹵當近狄狄在今廣平北宋地里志曰地雜斥  
鹵今其地尚有斥澤沙河之名所謂鹵也

季本私考○按此說別而有據並存之

昭三十一年春季孫意如會晉荀躒于適歷

杜注晉地

以上晉地

僖三十三年夏晉敗秦于殽

杜注在宏農澠池縣西亦曰二嶠傳曰穀有二陵南陵夏后泉之墓北陵文王之所避風雨杜注南谷中兩山相嵌故可避風雨古道由此孔疏穀山俗呼爲土穀石穀其隧道在兩穀之間山高而曲兩山參差相映其下雨所不及按水經注石嶠山山徑委深峯阜交蔭故公羊傳曰穀之缺巖穀梁傳曰穀缺巖之下元和志自東嶠至西嶠長三十五里峻阜絕澗車不得方軌魏武帝西討巴漢惡其險開北山高道遂有二道東南入福昌縣界爲南道東北入澠池縣界爲北道春秋時秦師伐晉之道在南故杜曰南谷中也二嶠在今河南府永甯縣北六十里高奇顧棟高○二嶠山在澠池縣西北一名嶺岑元和郡縣志○土穀石穀卽東西二嶠也水經河水四注祇云石嶠山有二陵則知方俗始有土穀之稱耳梁履繩補釋○穀晉之南境從秦向鄭路必經

之括地志二般山一名欽崆山即古之般道蘇代謂之般塞淮

南王安謂之般阪司馬遷謂之般阨馮異謂之般底孔穎達謂

之般關元和志云三十五里在秦關之東漢關之西是也闕若

書釋地又續○般山在今河南永甯有盤般石般干般是為三般張琦

戰國策二嶠在秦函谷關之東春秋時地非秦有戰國秦東侵

遂為秦之阨塞按函谷關在陝州靈寶縣南路在谷中深險如

函故名張尚瑗左○晉在般之北姜戎在其南季本○東嶠在

今河南府永甯縣北澠池縣南西嶠在陝州二嶠相去三十五

里秦師自滑歸必由之路顧棟高○淮南子注廣韻並作邠後

漢書作嶠洪亮吉

成五年夏梁山崩

杜注山在焉翊夏陽縣北按在今陝西同州府韓城縣西北九

十里禹貢既載壺口治梁及岐又名呂梁山呂氏春秋云龍門未闢呂梁未鑿河出孟門之上大溢逆流名曰洪水大禹疏通謂之孟門水經河水南出龍門口酈注梁山北有龍門山大禹所鑿通孟津河口河水又南逕梁山原山在馮翊夏陽縣西北臨於河上晉之望也故公羊傳云梁山河上之山也梁山崩壅河三口不流

高士奇  
顧棟高

○按先儒皆謂詩奕奕梁山卽此本爲韓

國鎮韓滅地屬晉江氏攷實詩之梁山在燕非此梁山詩之韓侯其國近燕非此韓城見前戰韓下○漢地理志壺口在北屈之東南而酈道元謂孟門在北屈之西南則壺口孟門之東山也龍門在梁山北則梁山龍門之南山也以是言之其先河出孟門之上橫流而出其東之壺口其南之梁山皆墊於水禹於壺口之西闢孟門於梁山之北闢龍門而其餘功又及岐山壺

口西至梁山梁山西至岐山從東向西言之也呂氏春秋之語  
尸子淮南子同皆以呂梁山爲卽禹貢之梁山按梁山之崩能  
壅河則俯瞰河流可知信爲禹鑿之餘也惟酈道元謂呂梁山  
在離石縣界則誤蔡沈書傳同卽本於酈注酈注見河水三離石爲今永甯州去黃  
河一百五十里因不知呂梁卽龍門之南山而移其名於他處  
耳夫所謂龍門未闢呂梁未鑿先言龍門次言呂梁其爲夏陽  
之梁山無疑爾雅梁山晉望正謂夏陽之梁山夏陽故少梁秦  
地也左傳文十年晉伐秦取少梁梁山由是入晉故在雍域而  
實爲晉望也蔡氏以爲在冀州卽離石之呂梁未詳攷爾胡渭  
禹貢○詩之梁山在涿郡良鄉縣北乃灤水所經去河甚遠不  
得云梁山崩壅遏河三日不流其韓城在涿郡方城縣與燕甚  
近故詩曰溥彼韓城燕師所完非在晉地之韓也此梁山則在

馮翊夏陽縣西北臨於河上見爾雅郭注故梁山崩壅遏河三日不

流夏陽春秋之梁國見桓十年左傳杜注亦非韓也自康成箋詩始誤以

奕奕梁山為夏陽之山又誤以韓城為晉所滅之韓國而隋人

遂改夏陽為韓城縣穀梁楊疏因之誤矣王引之經義述聞○與孟子

梁山無涉孟子梁山在今乾州閻若璩四書釋地續

文十二年冬晉秦戰于河曲

杜注在河東蒲坂縣南按水經云河水南至華陰潼關渭水從

西來注之蓋河水自此折而東故謂之河曲即蒲坂也又水經

注曰左傳僖二十四年秦伯納重耳及河子犯以璧授公子請

亡公子投璧於此竹書紀年所謂秦穆公送公子重耳涉自河

曲是也今蒲坂故城在山西蒲州府城東南五里高士奇顧棟高○公

羊曰曷為以水地河千里而一曲也非也河曲亦地名耳河至



此曲而東流河曲之地在其間豈謂千里一曲乎劉氏散家江氏攷實

以上晉山川

鄭郭非郭陵杜注誤從後漢志注辨克段于鄆公羊說辨鄭伯入櫟公羊說辨信六年新城杜孔說辨文十四年

盟地即鄭地非宋地辨莊三年滑宜從公穀作魯地郎說屬地盟齊處杜誤為鄭地辨晉侯卒處公羊誤為晉

地謂卒于封內不地卒于會故地辨鄭作鄆鄆通濠兩說鄭伯卒于鄆公羊謂卒于封內不地以弑故地辨

亳城為京城之說辨

鄭桓寄帑號鄆得十邑而國之前華後渭左洛右濟主芟醜而食溱

渭本鄭語史伯之語

春秋要領之國南北之樞紐也李廉會通莊十六年

鄭當幽王之世王室未遷遷與寄帑之謀攘取號檜之國而有其地

首亂天朝之疆索鄭誠周室之罪人矣入春秋後莊公以狙詐之資

倔強東諸侯間是時楚僻處南服而晉方內亂莊公與齊魯共執牛

耳其子昭公厲公俱梟雄絕人使其兄弟輯睦三世相繼鄭之圖伯  
未可知也乃三公子爭立卒歸厲公與虢弭定王室庶幾桓又勤王  
之義然自是而楚患興矣齊晉迭伯與楚爭鄭者二百餘年是時鄭  
西有虎牢之險北有延津之固南據汝潁之地恃其險阻左支右吾  
蓋滎陽成臯自古戰爭地南北有事鄭先被兵地勢然也至于產之  
世而虎牢已先屬晉犇櫟邾已先屬楚鄭之地險盡失徒善其區區  
之辭命以大義折服晉楚雖以楚靈王之暴橫莫敢陵侮蓋亦人謀  
之臧非關地勢矣然自後三家分晉而韓得成臯卒以滅鄭則鄭之  
虎牢豈非得之以興失之以亡者哉

顧棟高鄭  
疆域論

○又按鄭桓公武公

當幽平之世以詐取虢檜之地其地當中國要害四面皆強國故雖  
以鄭莊之奸雄無能爲狡焉啟疆之計終春秋僅再滅許而已而虎  
牢入晉犇櫟邾入楚鄭之封疆亦蝕於晉楚焉其地俱在今河南一

省其闢入直隸長垣縣者爲祭仲邑東明縣有武父地僅彈丸黑子而已又

都新鄭初宣王封弟桓公友于鄭居宗周圻內成林之地今陝西華州幽王時桓公寄帑于號檜子武公與平王東遷遂伐號檜并其地而都之號曰新鄭以別于初封之鄭今河南開封府新鄭縣○水經注鄭莊公曰吾先君新邑于此其能與許爭乎是指新鄭爲言矣○隱元年孔疏周厲王子宣王母弟桓公友封於鄭今京兆鄭縣是也及幽王無道遷其民於號鄭號鄭之君分其地遂國焉今河南新鄭縣是也莊公二十二年魯隱之元年聲公二十年獲麟之歲二十三年春秋傳終聲公以下五世而韓滅鄭○王應麟困學紀聞曰桓五年穀梁傳鄭同姓之國在冀州注冀州則近京師按鄭始封地屬雍州東遷後徙新鄭屬豫州謂近京師則可謂在冀州則非或曰冀州中州也淮南子正中冀州曰中土○周禮大司徒疏引鄭元發墨守曰公羊曰古者鄭國處于留按桓公始封國在宗周畿內今京兆鄭縣是也莊公遷東周畿內國在號鄭之間今河南新鄭是也留乃在陳宋之東鄭受封至此適三世矣得古者鄭國處於留祭仲將往省留之事○詩鄭譜正義引鄭志曰昭十三年傳云鄭伯男也賈逵以爲鄭伯爵在男畿距王城三百餘里鄭曰此非男畿乃謂子男也鄭爲畿內之諸侯雖爵爲侯伯周之舊俗皆食子男之地故云鄭伯男也

邑鄆 長葛 枋 櫟 新城 虎牢 瓦屋從周改入

地時來 武父 滑 踐土 扈 垂隴 衡雍

裴裴林 邲 蟲牢 鄆陵 柯陵 鄆鄆當作鄆 鄆

戲 亳城北 蕭魚 號 皐鼬

隱元年夏鄭伯克段于鄆

按杜注鄆今潁川鄆陵縣鄆陵今屬潁川郡鄆與鄆陵為一地

蓋鄆古國也國語富辰曰昔鄆之亡由仲壬鄆因叔姪韋昭注

鄆鄆皆姪姓之國鄆為武公所滅蓋滅鄆後改為鄆陵漢為鄆

陵縣屬潁川郡晉因之在今河南開封府鄆陵縣西南高士奇

○杜注似不如漢志應注之足據漢地里志陳留郡僞應劭曰

鄭伯克段于僞是也按僞縣前漢屬陳留後漢屬梁國作陽陳

留郡在春秋時大半屬鄭且傳上云至於廩延杜注陳留酸棗

縣北有延津廩延至僞旣屬順道渡河至共亦便則爲陳留僞縣無疑非潁川之鄆陵也又按史記集解引服虔云鄆陵鄭東南地也漢志與鄆兩郡兩地劉昭注後漢志合爲一杜預因之

誤矣

洪亮吉春秋左傳詁

○愚按杜氏誤也王觀國學林從杜又據劉注

後漢郡國志潁川郡臨潁縣以鄆與臨潁爲一地亦誤也前漢地理志陳留郡僞縣應劭注云克段之鄆而潁川郡僞陵縣無此注則爲兩地無疑閻百詩尙書古文疏證亦誤從劉昭謂漢僞縣當屬宋地非也洪氏辨之明矣○又按陸淳辨疑引趙子說亦駁杜注若已南至鄆陵不當奔共而謂鄆乃鄆字之誤卽卽十一年王取于鄆者京至鄆非遠

京在今滎陽鄆在今偃師

自鄆過河奔

共亦便其說別然當以應劭說爲據

穀梁于鄆遠也○已奔鄆又克之甚之也

御纂直解

○其稱于鄆

則師出必以地如後書戎伐凡伯于楚邱宋皇瑗取鄭師于雍邱鄭師伐宋戰于宋公會諸侯伐楚次于涇類凡師之所在必明記其在于何所以爲行師之表識此亦是例毛奇齡傳○京不書書于鄆舉終事以該餘且見鄭伯不容弟於內也高澍然釋經○子鄆者公羊謂當國而在外也曰在內雖當國不地也不當國雖在外亦不地也何休曰明當國者在外乃地爾爲其將交連鄰國復爲內難故錄其地明當急誅之然則諸所稱討賊地與不地皆已殺而後見又何說劉敞權衡

隱五年冬宋人伐鄭圍長葛 六年冬宋人取長葛

杜注潁川長社縣北有長葛城按漢志長社縣屬潁水鄆應劭曰宋之長葛也在今許州府長葛縣北十二里高士奇顧棟高○愚按水經注潁水東逕長社故城北鄭之長葛邑也

隱八年春鄭伯使宛來歸祔

公穀作邠

杜注在琅琊費縣東南按後漢志泰山郡費侯國有祔亭又水經注西南一百里有大崖阜祔水所出東南流至下邳界祔之得名以此今沂州府費縣西有古祔城高士奇○公羊傳程子胡

氏說見土田來歸門○方丙古音通祔作邠亦假音

趙坦異文箋

桓十五年秋鄭伯突入于櫟

杜注鄭別都也今河南陽翟縣按櫟卽陽翟漢志潁川郡陽翟注夏所都也周書武王克商至周曰吾其有夏之居乎史記周本紀自洛汭延于伊汭其有夏之居集解引徐廣曰夏居河南初在陽城後居陽翟又史記貨殖傳曰潁川南陽夏人之居也左傳夏啟有鈞臺之享杜注陽翟縣南有鈞臺是也春秋時爲櫟莊二十年王室亂鄭伯以王歸處于櫟傳二十四年狄伐鄭

取櫟宣十一年楚伐鄭及櫟至昭元年楚公子圍使公子黑肱  
城櫟是時櫟又屬楚後改爲陽翟戰國初入于韓韓景侯自平  
陽徙都之秦置陽翟縣屬潁川郡晉屬河南郡今爲開封府禹  
州以禹嘗封于此得名在鄭都西南九十里參高氏攷略  
江氏攷實○傳  
之檀伯鄭守櫟大夫也○胡氏張氏說見謹強都之害門○公  
羊曰曷爲不言入於鄭末言爾非也實入於櫟未入於鄭豈得  
言鄭哉何休因據陽生爲比夫陽生入陳乞之家者誠在齊也  
又何疑乎衛侯入於夷儀蒯瞶入於戚公居於鄆皆一例爾劉敞

權衡

僖六年夏伐鄭圍新城

文十四年夏同盟于新城

僖六年杜注鄭新密也孔疏鄭新築密邑故傳曰新密今滎陽



密縣按古密國後爲鄆國地晉屬滎陽郡今許州府密縣東南

三十里有故密城

高士奇  
顧棟高

○按水經注洧水東逕密縣故城南

春秋謂之新城○文十四年杜注宋地在梁國穀熟縣西按今

商邱縣西南有新城亭

高士奇  
顧棟高

○水經注睢水逕新城北卽春

秋盟處○鄭爲中國要衝楚所必爭故諸侯謀楚會盟常於鄭

地杜注以爲宋地非矣

季本  
私考

○晉盟多就近晉之地恐是鄭之

新城

王夫之  
稗疏

○愚按季氏王氏說當是鄭注疑亦踵誤新城之

名晉鄭宋秦皆有之而盟地當卽圉地也江氏永與高顧似猶

未攷實○傳曰圉新密鄭所以不時城也實密而經云新城故

傳釋之以爲鄭懼齊而新築城因謂之新城也

顧炎武杜  
解補正

○新

城是地名耳杜注孔疏謂諸侯無故不造城鄭以非時築城齊

啓其罪故書新城不云新密解似穿鑿鄭旣城之名爲新城何

不可乎春秋非時築城者多矣何不聞聲罪致討乎

徐庭垣  
管城

襄二年冬會于戚遂城虎牢

襄十年冬戍鄭虎牢

按虎牢卽制邑也制又名北制隱元年傳制巖邑也虢叔死焉

隱五年傳燕人畏鄭而不虞制人鄭以制人敗燕師于北制杜

氏於隱五年注云制鄭邑一名虎牢河南成臯縣也

隱元年傳  
制下杜無

注但云虢叔東虢君也  
恃險邑不設備鄭滅之

高氏曰鄭州有制田成臯在其北故別

之爲北制襄十年傳諸侯戍虎牢晉師城梧及制是虎牢制一

地也

穆天子傳天子獵于鄭圃有虎在葭中七萃之  
士擒獻天子命爲之柙畜諸東虢故名虎牢

莊二十一

年傳王與鄭伯武公之略自虎牢以東杜云虎牢以東本平王

與武公者後失其地故惠王今復興之水經注河水東逕成臯

大伾山下成臯秦所置縣名舊名虎牢故城在今開封府汜水

縣西

參彙纂高士奇顧棟高

○初屬鄭後屬晉三家分晉段規謂韓襄子

曰必得成皋石澗之地卽虎牢也後韓哀侯卒以此滅鄭戰國

時韓獻于秦今自滎陽而東皆坦夷西入縣境地漸高城中突

起一山如萬斛困出西郭則亂嶺糾紛一道紆曲其間斷而復

續使一夫荷戈而立百人自廢

又顧氏地形口號險要篇參

○地在鄭西而

楚在鄭南雖不能斷楚爭鄭之路而亦足以挾楚制鄭也

季本地考

以上鄭邑

隱八年秋宋齊衛盟于瓦屋

杜注周地孔疏傳云會于溫盟于瓦屋會盟不得相遠溫是周

地故意瓦屋亦周地今考瓦屋里在洧川南其地在新鄭之東

當爲鄭地非周地也蓋此會此盟三國本欲就鄭是時莊公爲

周卿士故先會于河內之溫猶欲盟於近鄭之瓦屋鄭竟不至

三國遂自爲盟蓋鄭怨宋衛深陽許而實不欲平也是以十年鄭復伐宋觀會與盟之地可得其情矣江永○愚按趙存耕曰入王畿而爲盟諸侯無忌憚甚矣呂朴鄉曰三國不入覲於王而刑牲歃血於此蔑視王室之罪可勝誅哉皆從杜氏舊說然在鄭地亦邇王畿固不免春秋之責也

隱十一年夏公會鄭伯于時來公作祁黎左傳作邾

杜注時來邾也鄭地滎陽縣東有釐城按在今開封府祥符縣

東四十里

高士奇  
顧棟高

○時來鄭地伐許鄭之志也

劉敞傳

○愚按水

經注濟水逕釐城東春秋之時來左傳所謂釐也○時來公羊作祁黎時在之韵祁在脂韵來在咍韵黎在齊韵古韵之咍同部脂齊同部時來爲疊韵祁從示聲與時爲雙聲黎來亦雙聲故相假借又按左氏傳作邾與經異水經注引左傳邾作釐說

文無邾字當以釐爲正疑時來邾黎皆釐之合聲張壽恭古義○按

來古音釐公羊作邾黎亦假音趙坦異文箋○程氏分記曰邾有二

隱十一年會于邾鄭地也亦名時來襄十四年以邾寄衛侯齊

地也案經作時來杜云邾也襄十四年齊之邾卽萊也梁顧繩補釋

桓十二年冬公會鄭伯盟于武父

杜注鄭地陳留濟陽縣東北有武父城按水經注濟水又東逕

濟陽縣故城南縣故武父城也城在濟水之陽今在大明府東

明縣西南與河南開封府蘭陽縣接界彙纂

莊三年冬公次于滑公穀作郎

杜注鄭地在陳留襄邑縣北按後漢志襄邑有滑此杜氏所本

也今歸德府睢州有滑亭顧棟高○此與滑國之後爲晉鄭周地

者異詳滑國下

魯救紀而遠次曹鄭之間不畏齊乘虛致難於魯乎即在金鄉  
不出兗州境又爲鄭紀孔道宜以二傳爲正王夫之稗疏○此所辨亦通並存之  
倍二十八年夏盟于踐土

杜注鄭地按晉敗楚城濮還至衡雍作王宮于踐土括地志榮  
澤縣西北十五里有王宮城城內東北隅有踐土臺去衡雍二  
十餘里榮澤今屬開封府高士奇

文二年夏盟于垂隴隴公穀作敘

杜注鄭地榮陽縣東北有隴城按襄二十年鄭伯享趙孟于垂  
隴卽此今在開封府榮澤縣東北高士奇○愚按水經注榮陽

有垂隴城濟瀆出其北春秋盟處○隴敘方音聲轉也毛奇齡

誤趙垣  
異文箋

文七年秋公會諸侯晉大夫盟于扈

文十五年冬諸侯盟于扈

文十七年夏諸侯會于扈

宣九年秋晉宋衛鄭曹會于扈 晉侯黑臀卒于扈

成十六年冬季孫行父及晉卻犇盟于扈

昭二十七年秋晉士鞅等六國大夫會于扈

杜云鄭地在滎陽卷縣西北按後漢志卷縣有扈城亭今懷慶

府原武縣西北扈亭是也顧棟高○愚按莊二十三年魯齊盟

地辨見齊下杜注莊二十三年文七年兩處並云鄭地滎陽卷縣其前一條注必誤也顧氏大事表亦誤並引之○竹

書紀年晉出公二十三年河絕于扈即此高士奇

宣九年杜注晉侯卒于境外故書地葉纂曰杜氏以扈為鄭地

故有卒于竟外之說公羊以扈為晉地與鄭伯卒鄭宋公卒曲

棘皆以為封內不地而各自立義公羊傳扈者何晉之邑也諸侯卒其封內不地此何以地

卒于會考竹書紀年晉出公時河流絕于扈意者扈本鄭地而故地也後入于晉平○公羊非也卒地卽會地晉四會扈皆鄭地也奇

傳

文八年冬公子遂會晉趙盾盟于衡雍

僖二十八年傳杜注鄭地今滎陽卷縣按後漢志卷有垣離城

古衡雍也故城在今懷慶府原武縣西北高士奇○愚按水經

注濟水逕滎澤北東南與洛隧合上承河水于卷縣北河南逕

卷縣故城東又南逕衡雍城卷又陰溝水左瀆逕垣雍城南襄

王勞晉文於此○衡雍晉文公合諸侯朝王之處也是年秋天

王崩諸侯不奔喪而盾遂會盟于王畿之側惡莫大焉高閔集注

文十三年冬公還自晉鄭伯會公子斐公作斐

宣元年秋諸侯會晉師于柴林伐鄭



按棐卽棐林也杜注滎陽宛陵縣東南有林鄉今開封府新鄭縣東二十五里林鄉城是其地也襄三十年傳衛襄公如楚過鄭鄭伯有往勞于棐林卽此

高士奇領棟高

宣十二年夏晉楚戰于邲

杜注鄭地按水經注濟水東逕敖山京相璠曰邲在敖北傳曰晉師在敖邲之間濟水于此又兼邲自晉楚軍于邲卽是水也音卞據此則邲有卞音今開封府鄭州東六里有邲城邲城有邲水卽今之汴河濟水于此又兼名邲也楚漢時謂之鴻溝今

湮

高氏攷略顧氏都邑山

○愚按水經注又云河水又東逕卷

縣北晉軍爭濟舟中掬指楚莊祀河告成而還之處也○敖山在今河陰縣傳稱楚子次于管今在鄭州晉師在敖邲之間渡河而南正在河陰濱河之南岸背水而陳於法當敗也邲氏所

云濟水有郛目者河濟于此合流蓋鄭之北境

王夫之  
碑疏

成五年冬同盟于蟲牢

杜注鄭地陳留封邱縣北有桐牢按續漢記封邱桐牢亭韋昭

云古蟲牢地與後漢書合在今開封府封邱縣北三里

高士奇  
額棟高

成十六年夏晉楚鄭戰于鄢陵

鄭東南地與鄢異地異名辨見上隱元年鄢○鄢陵鄭之東南

鄙也晉以孤軍越其國與楚相接於此晉固未及伐鄭楚亦未

及救也蓋晉將伐鄭鄭告於楚晉聞鄭引楚師將至勇於一戰

薄楚於險因以致勝耳

季本  
私考

成十七年夏同盟于柯陵

杜注鄭西地○應劭風俗通山澤卷引國語周單子會晉厲公

于加陵又引爾雅陵莫大於加陵之文謂加陵晉地也宋庠國

詔補音云柯陵今本或作加陵內傳及二傳並作柯又無別音

設作加字亦當音柯淮南人間訓云晉厲公合諸侯於嘉陵則

加陵又作嘉陵音相同也

翟補爾

○案韋昭注亦以柯陵爲鄭

西地應劭特因晉厲公爲此盟遂指爲晉地耳今據加陵于諸

陵中爲獨大疑卽莊十四年鄭厲公所侵之大陵也

梁履繩補釋

襄元年夏晉伐鄭諸侯之師次于鄆

鄆當作鄆公羊作合或據水經仍作鄆別以爲水名

杜注鄭地在陳留襄邑縣東南今爲歸德府睢州

顯陳高○後漢志引杜注

說

○按各本作鄆非姒姓國之鄆也故穀梁此鄆不作繪蓋本

作會公羊作合會合義通一寫作鄆再寫訛鄆耳據杜注可知

鄆乃鄆之誤昔鄭伯寄孥與賄於號鄆以取其國而遷鄭焉此

所次蓋鄭東鄆古爲鄆地故名鄆耳

段玉裁左氏古經注

○杜云在陳留

襄邑按襄邑今睢州境爲宋邑非鄭地也傳云晉敗鄭徒兵消

上於是諸侯之師次鄆以待晉師則是密邇相聞襄邑相去遠矣水經洧水過鄆縣南鄆水從西北來注之字正作鄆鄆通音側真反或作漆蓋師在洧川故云以師侵焦夷陳順鄆水而東也王夫之釋疏○愚按段氏攷鄆字是鄆之訛與公穀杜氏並令已足正誤王氏又攷鄆字非訛別據水經鄆有鄆水卽漆水鄆與漆字通鄆與本傳洧川地近更爲典核故四庫提要云足糾杜之失也要之皆非鄆國之鄆也

襄七年冬會于鄆穀梁作鄆

鄆伯如會卒于鄆公穀作操

杜注皆鄆地○說文無鄆字古借用操字二傳猶是古文趙地異文

箋○公羊謂諸侯卒其封內不地其地者弒也然朱元公卒于

曲棘亦宋之封內非弒也何以地徐庭垣管窺

襄九年冬同盟于戲

杜注鄭地按成十七年傳諸侯伐鄭自戲童至于曲洧即此也

水經注汜水出浮戲之山路史武王克商命呂佗伐越戲方注

戲方紂畿內國在今開封府汜水縣南四十里高士奇

襄十一年秋同盟于亳城北亳公穀作京

杜注鄭地當在今河南府偃師縣纂○按偃師之亳為殷都去

鄭遠當時為周地諸侯何為越鄭而盟於此公穀作京城為是

京在滎陽縣東南本水名當鄭都之北共叔段所居也隱元年

杜注京鄭邑今滎陽京縣江○公羊同盟于京城北疏云穀梁

與此同案京鄭地在滎陽隱元年傳京城大叔是也亳城無攷

此傳寫之偽當从公穀惠棟○徐彥公羊疏服氏之經亦作

京城北段玉裁左氏古經注○京史記所謂京案問若亳城

則宋地矣作京是趙作○亳有三偃師為西亳時為周畿內地

考城爲北亳時爲宋地亳州故譙也爲南亳時爲東夷或徐境  
俱去鄭遠鄭地無亳鄭方受圍不得越境受盟作京是王夫之  
又會于蕭魚  
稗疏

杜注鄭地按史記秦嬴姓其分封有修魚氏路史少昊後嬴姓  
國修魚卽蕭魚也高士奇○按韓世家秦敗我修魚虜韓將于濁

澤徐廣曰長社有濁澤然則修魚當亦在長社長社卽春秋之  
長葛今屬許州府蕭魚在此在鄭都之南江永

昭元年春會于虢公作鄆穀作郭

杜注鄭地案東虢君爲鄭所滅故爲鄭地纂○隱元年傳曰制

巖邑也虢叔死焉杜注虢叔東虢君也恃險而不修德鄭滅之

虢國今榮陽縣孔疏賈逵云虢叔封西虢仲封東而此云虢叔

東虢君者所滅之君字曰叔也按賈云此是虢仲所封國語史

伯曰濟洛河潁之間于男之國號鄆為大韋注東號號仲之後

亦從賈說春秋前已并於鄆漢志河南郡滎陽應劭曰故號國

有號亭故城在今汜水縣東近滎陽縣昭元年會處高士奇○西

自汜水東至滎陽皆號故封王夫之○東號即虎牢亦謂之制

今開封府汜水縣西北有故虎牢城張琦戰國策釋地○唐書云平王

求號叔之孫封于陽曲號曰郭公者其東號之後乎劉履春秋

秋郭公條引凌曙說○公作潮穀作郭郭號古今文鄆郭假借字張壽恭

定四年夏盟于皋鼬公羊作浩油

鄭氏曰鄭地城皋也杜注繁昌縣東南有城皋亭按繁昌縣魏

置晉屬襄城郡水經注潁水逕臨潁縣又東南逕睪城北即古

皋城亭皋睪字相似故誤耳在今許州府臨潁縣界高士奇○

非汜水之成皋也季本○公作浩油亦假音字惠棟古義古讀

地考

皋為浩馳為由又案鹽鐵論和親篇引公羊又作誥馳趙坦異文

○地名無定字皋浩馳油同音通假張壽恭古義

以上鄭地

曹 洮與魯地別辨 曹南誤以為曹都辨

都陶邱文王子叔振鐸封於此鄭氏詩譜在禹貢兗州陶邱之北雷夏荷澤之野今濟陰定陶是也夾於魯衛之間孔疏禹貢濟東出於陶邱北又東至于荷又東北會于汶曹在汶南地也據魯而言為濟西是曹地在濟北也禹貢又云雷夏既澤導荷澤漢志濟陰定陶縣故曹國雷夏澤荷澤同屬濟陰是曹之封域在二澤桓五年杜注曹國濟陰定陶縣孔疏桓公三十五年魯隱之元年伯陽十五年魯哀八年宋滅之定四年傳曰曹為伯甸孔疏曹伯爵居甸服定陶去王城八百里東都之畿方六百里侯服五百里定陶在畿外故曰甸服也陶邱今為山東曹州府曹縣○詩王城譜正義引鄭志曰甸服去王城一千五百里東都王畿方六百里半之三百里除畿內三百里又侯服五百里定陶在外

邑 鄭



地越從衛改入穀邱改入洮曹南

昭二十年夏曹公孫會自鄆出奔宋鄆穀作夢

杜注曹邑按寰宇記濟氏乘氏縣西北有大饗城古之鄆邑也

一作大鄉在今曹州府曹縣北高士奇○會子臧之子鄆子臧

之采邑蓋會繼其父之食邑而得專制之者得罪而出奔非叛

也故不書叛高閏集注江○鄆字古祇作夢說文邑部無鄆字

玉篇始加邑作鄆廣韻因之以此知左氏公羊作鄆皆後人增

邑穀梁作夢當是古文趙坦異

### 以上曹邑

桓元年夏公及鄭伯盟于越

杜注近垂地名當在山東曹州府曹縣附近顧棟○當為曹地

江○愚按杜以垂為衛地本誤則近垂之越非衛地可知攷輿

圖當從江顧

桓十二年秋公會宋公燕人盟于穀邱

傳云句瀆之邱杜注卽穀邱也按漢濟陰郡有句陽縣水經注  
濮水逕鹿城南又東與句瀆會枝渠逕句陽縣故城南卽春秋  
之穀邱左傳所謂句瀆之邱也縣處其陽故名在今曹州府曹  
縣北三十里高士奇○杜注宋地王氏夫之曰地當屬曹衛非  
宋也愚按顧氏輿圖當屬曹○左傳作句瀆之邱句穀聲相近  
錢大昕  
聲類

僖八年春盟于洮

定十四年秋齊宋會于洮

杜注曹地按僖三十一年傳晉文公分曹地自洮以南東傳于  
濟卽此亦曰桃城水經注瓠子故瀆又東逕桃城又曰甄城西

南五十里有桃城或謂之洮是也亦曰姚城因舜生姚墟得名  
應劭曰姚墟近雷澤世稱姚城是也今曹州府濮州西南五十  
里有洮城高士奇顧棟高○此與魯之洮別○僖八年杜云魯地誤孔疏  
僖十九年夏宋曹邾盟于曹南

杜注孔疏以為會于曹之國都在曹之都而曹猶在列蓋曹雖  
與盟而猶不服故不以國地而曰曹南按范氏曰曹南曹之南  
鄙也曹風候人篇蒼兮蔚兮南山朝濟毛傳云南山曹南山也  
今曹州南八十里有曹南山不近曹都范氏說是杜孔非也高士奇顧棟高

以上曹地

衛衛與戎兩楚邱辨附魯地說清疑齊地說匡與鄭地  
異辨貫非貫辨盟惡曹以不書宋疑宋地辨首止  
水經誤首陽辨賦與魯地別辨馬陵劉昭兩載之誤  
辨真澤即沙澤以瑣為鄭地辨杜注辨何與齊邑盟

地異辨澶淵與宋地別辨黃池非陳國外黃之黃  
辨在平邱非封邱辨沙鹿非晉地辨公羊以爲邑穀梁  
以鹿爲山足辨濮非陳地辨非東郡之濮陽辨穀梁  
失城孫氏貶衛臣說辨

衛之始封兼三監之地封域本大後再遷至帝邱而其舊封多入于  
晉稍迫狹矣春秋之初霸令未興諸侯多務兼併以自益而衛以介  
在齊晉宋魯四面皆大國無所腴削又屢經狄難崎嶇遷徙其地與  
諸國交錯西鄰晉東接齊北走燕南拒鄭宋楚之與晉爭伯也爭鄭  
宋而衛不受兵以鄭宋南面爲之蔽也晉文城濮之戰楚始得曹而  
新昏于衛蓋欲爲遠交近攻之計結衛以折晉之左臂使晉不得東  
向爭鄭也故晉文當日汲汲焉首事曹衛豈惟報怨之私亦事勢有  
不得不爾晉欲救宋不得不先伐衛晉欲服鄭不得不先服衛衛服  
而鄭魯諸國從風而靡矣蓋衛踞大河南北當齊晉鄭楚之孔道晉  
欲東則衛首當其衝曹衛以北方諸侯而爲楚之役天下幾不復知

有中夏此晉之用兵所以不獲已也自是以後衛幾同晉之鄙邑其曹濮之地與齊犬牙錯互宣成之世衛屢受齊師每有齊師則乞援于晉至春秋季年晉鄭之大夫擅權孫林父以戚如晉晉取衛懿氏六十與孫氏戚近帝邱衛都肘腋之地世爲孫氏邑自是衛非復衛有并不爲晉有而爲晉鄭大夫所營狡兔之三窟也失其地利首受強鄰之見侵繼受叛臣之桀驚衛之爲衛亦可哀矣

顯棟高衛  
疆域論

案衛始封本大後再遷徙舊封多人于晉其地有今之直隸大名府開州及府治元城縣魏縣長垣縣廣平府之邯鄲縣爲邯鄲邑旋入晉河南衛輝府之淇縣爲始封之朝歌汲縣爲河內輝縣爲百泉後俱入晉僅有滑縣之楚邱及漕地耳又兼涉懷慶府脩武縣界有彰德府之安陽縣內黃縣林縣歸德府之睢州爲襄牛地又錯入開封府之封邱縣山東曹州府之濮州爲城濮地曹縣爲南楚邱地又錯

入兗州府之陽穀縣泰安府之東阿縣其地多奇零與諸國交錯共跨三省十府三州十二縣之地其八晉之地不在內 又

都○康叔都朝歌本殷舊都文公遷楚邱成公又遷帝邱朝歌更屬于晉詳見下○鄭元詩譜邠鄘衛商紂畿內方千里之地其封域在禹貢冀州太行之東北踰衡漳東及兗州桑土之野武王滅紂以封紂子武庚庶殷頑民被紂化日久未可以建諸侯乃三分其地置三監自紂城而北謂之邠南謂之鄘東謂之衛三監導武庚叛成王殺武庚伐三監更於此三國建諸侯封康叔於衛使爲之長後世子孫并彼二國混而名之詩譜孔疏引漢地理志見下朝歌○隱元年孔疏文王子康叔封之後封殷墟朝歌文公徙楚邱成公徙帝邱桓公十三年魯隱之元年出公輒十二年獲麟之歲也悼公二年春秋傳終自悼以下十一世而秦滅之○張尚瑗左傳折諸曰康叔封殷舊都復并邠鄘之地商頌所謂邦畿千里疆域甚大懿公之難渡河東徙戴公廬漕文公城楚邱皆河南之域而河內殷墟皆屬於晉國以削矣○馬宗璉春秋左傳補注曰詩疏引王肅尚書注康國名在千里之畿內既滅管蔡更封爲衛侯馬融尚書注亦言康國名在圻內是康叔先封於康滅管蔡後始封於衛鄭康成以康爲號諡非是

朝歌 楚邱 帝邱

邑清蒲鄆匡戚夷儀平邱

地貫從宋改入惡曹杜注闕首止城濮鹹杜注闕沓杜注清邱

新築馬陵瑱澤杜注闕即沙柯澶淵襄二十六年盟會處

商任厥慙瓦牽鐵黃池

垂改入宋越改入曹桃邱改入齊垂葭改入周

出沙鹿從晉改入曲濮濮

定十三年冬晉荀寅士吉射入于朝歌以叛此年所書地已屬晉在春秋之初為衛都

按襄二十三年傳齊伐晉取朝歌杜注朝歌今屬汲郡彙纂曰

今淇縣即古朝歌也按淇縣今屬衛輝府朝歌城在縣北關西

社本殷舊都漢置朝歌縣屬河內郡晉屬汲郡漢書地理志河

內郡朝歌紂所都周封康叔更名衛又魏地篇云河內本殷之

舊都周既滅殷分其畿內為三國詩邶庸衛是也邶以封紂子

武庚庸管叔尹之衛蔡叔尹之以監殷民謂之三監武王崩三

監畔周公誅之盡以其地封康叔遷邶庸之民于雒邑故邶庸

衛三國之詩同風至十六世懿公爲狄所迫更遷都於河南曹

楚邱

師古曰曹及楚邱二邑名

而河內殷虛

同墟

更屬于晉顏師古注自紂城

而北謂之邶南謂之庸東謂之衛其地則爲朝歌亦曰沫邑康

誥所謂明大命于妹邦者也水經注泉源水南流東屈逕朝歌

城南本沫邑也詩云爰采唐矣沫之鄉矣殷王武丁始遷居之

爲殷都也紂有新聲靡樂號邑朝歌史記樂書紂爲朝歌之音

朝歌者歌不時也故墨子聞之惡而迴車又曰美溝水出朝歌

西北逶迤九十曲更逕朝歌城北又東南流注馬溝水而入于

淇爲肥泉詩所謂我思肥泉所謂泉源在左也博物志謂之澳

水

以上皆水經注語

自屬于晉晉人謂朝歌曰舊衛竹書紀年晉定公



三十八年淇絕于舊衛是也邶城在今衛輝府東北鄘城在今

新鄉縣西

參高氏攷略  
漢志水經注

○傳載祝鮀曰封畛土略自武父以南

及圃田之北竟取于有閭之士以共王職取于相土之東都以

會王之東蒐命以康誥而封于殷虛朱子詩註云邶鄘衛三國

在禹貢冀州西阻太行北逾衡漳東南跨河以及兗州桑土之

野今懷衛澶相滑濮等州開封大名府界皆衛境

高氏又

僖二年春城楚邱

閔二年衛爲狄滅立戴公以應  
于漕至是齊桓公封衛于楚邱

杜注衛邑彙纂曰朱子詩經集注楚邱在滑州今滑縣東六十

里隋衛南廢縣卽古楚邱城也此與戎伐凡伯之地不同按隋

初置楚邱縣後改衛南縣今省入滑縣屬衛輝府

江永

○按杜氏

於隱七年戎伐凡伯于楚邱注云在濟陰成武縣西南於此楚

邱則但注云衛地似存疑而不敢決者蓋衛實有兩楚邱而後

世混之也齊桓所城在漕邑漢爲白馬縣子夏詩序定之方中  
美衛文公也衛爲狄所滅東徙渡河野處曹邑文公徙居楚邱  
營立宮室詩人美之詩云升彼虛矣以望楚矣望楚與堂景山  
與京毛傳云虛漕虛也楚邱有堂邑景山大山也京高邱也鄭  
箋云自河以東夾于濟水文公將徙登漕之虛以望楚邱之有  
邑及其邱山審其高下所依乃建國焉又載馳篇云驅馬悠悠  
言至于漕毛傳云漕衛東邑也然則楚邱與漕皆在衛東明矣  
又邕之篇曰我思肥泉思須與漕擊鼓之篇曰土國城漕我獨  
南行皆言漕與衛故都近也水經注白馬濟有白馬城衛文公  
東徙渡河都之在河水篇東北過黎陽縣南下考漢白馬縣在朝歌東與詩箋  
相合孔穎達詩正義曰箋解楚邱所在云自河以東夾於濟水  
者濟水自河北而南入於河又出而東楚邱在於其間西有河

東有濟故曰夾于濟水若成武之楚邱則在濟外不夾於河濟矣是說也至隋而始明開皇十六年同時置兩楚邱縣一在漢已氏縣以戎伐凡伯之楚邱爲名已氏春秋爲戎州漢置縣屬梁國東漢屬濟陰郡晉屬濟陽晉濟陽之已氏與濟陰之成武鄰並成武之西南卽已氏之東南也今在曹縣此楚邱之在南者也一在漢白馬縣卽水經注所云者尋改名衛南屬滑州今其故城在滑縣此楚邱之在北者也一南一北必不可混要之當時遺民渡河野處去舊都不當遠漢書地理總序原云桓公封之河南曹楚邱而山陽郡成武之楚邱亭以爲齊桓所城誤也水經注河水篇以爲白馬濟是矣而濟水篇又謂河水分濟於定陶北逕景山所謂景山與京者也又北逕楚邱城引成武之楚邱爲衛遷處

在齊水篇過  
乘氏縣南下

後儒因其說引輿地志曹縣之

景山爲證混雨楚邱爲一夫毛傳訓景爲大原非山名也是又  
酈氏之抵牾也至于唐宋以來之曹縣卽漢城武乃古之曹國  
與衛漕邑自別亦足相混特顯別之

高氏攷畧

○愚按戎伐凡伯

之楚邱本戎邑非衛地張洽集註疑之江氏攷實辨論更明杜  
注衛地有誤高氏謂衛有兩楚邱亦誤○衛楚丘爲兩河襟喉  
漢酈生云守白馬之津以示諸侯形勢是已若狄據之河內諸  
國在其囊括中矣遷衛於此使自爲守以接天下聲援則狄有  
所懾而不敢騁此齊桓之善謀也自朝歌而東遷楚邱所以遏  
狄非避狄也自楚邱而東遷帝邱則稍避狄矣於此見文公成  
公之強弱亦於此見齊桓晉文伯術之盛衰

朱朝瑛畧記

三傳皆以爲衛邑齊桓城之而衛忘亡後儒和之同然一辭皆

舍經信傳者惟孫莘老說爲有據

程端學辨疑

○孫氏曰春秋之法

諸侯城之者書諸侯如邢緣陵虎牢成周是也未有與諸侯同城而不序諸侯者楚邱之城見於傳記者皆以爲衛邑衛詩定之方中序亦曰衛楚邱而詩中無之但曰楚宮楚室耳楚邱之名見於春秋者二隱八年戎伐凡伯處經不言衛楚邱安知非魯地乎於此城之又不言諸侯益可疑也

又本義

○楚邱非衛邑

也春秋凡書外邑必有所繫如城緣陵不言杞必曰諸侯城緣陵以見緣陵之爲外邑非魯自城也如城虎牢必繫于諸侯會戚之下曰遂城虎牢以見虎牢之爲外邑非魯自城也城內邑則不繫以國如城中邱祝邱之類是也隱七年凡伯來聘戎伐凡伯于楚邱繫楚邱于來聘之下是魯邑明矣傳載卜楚邱魯大夫也以其邑爲氏也詩序稱衛楚邱乃漢儒沿襲三傳之譌耳

黃仲炎通說

○愚按此解創於孫氏吳草廬黃若晦程積齋朱西

亭俞汝言皆從之所據隱七年經文及城邑書法確有可信第以三傳相承已久且齊桓存衛之事不應不見于經故未敢竟改歸魯地而特並存其說焉○又按張氏穀梁折諸謂杜注地理最詳而獨略楚邱遂滋異議以黃說爲甚辨而仍不敢駁三傳與漢唐箋疏之書也顧復初則駁斥黃說見外城門○又按十二年傳云諸侯城衛楚邱之郭孔疏云不單言衛而言衛楚邱者見楚邱未有郭也則據左氏二年所城是衛都矣

僖三十一年冬衛遷于帝邱

狄圍衛故又遷

杜注今東郡濮陽縣孔疏引釋例曰帝顓頊之虛故曰帝邱昆吾氏因之故曰昆吾之虛按哀十七年傳衛侯夢人登昆吾之觀而謀曰登此昆吾之虛又昭十七年傳衛顓頊之虛也故爲帝邱杜註帝顓頊居之城內有顓頊冢按水經注河水舊東決逕濮陽城東北故衛也昔顓頊

自窮桑徙此號曰商邱或謂之帝邱本陶唐氏火正閼伯所居  
亦夏伯昆吾之都殷相土又都之春秋傳曰閼伯居商邱相土  
因之是也國語昆吾爲夏伯後漢郡國志濮陽古昆吾國也秦  
置濮陽縣以地在濮水北也漢屬東郡故城在今大名府開州  
西南三十里傳載成公夢康叔曰相奪予享則夏后相亦嘗居  
此高氏攷略江氏考實參○帝邱卽毛詩頓邱帝頓聲之轉也毛奇齡傳  
以上衛都

隱四年夏公及宋公遇于清

杜注衛邑濟北東阿縣有清亭按水經注濟水自魚山而北逕  
清亭東京相璠曰今東阿縣東山四十里有清亭濟水通得清  
水之曰焉濟水亦謂之清水燕王曰齊有清濟濁河以爲固卽  
此水也以上皆水經注語今在泰安府東阿縣東北高士奇顧棟高○清亭今

在濟南府長清縣東杜於隱四年云衛邑蓋當時濟水流於二邑之間而清地跨占其左右故二國皆有清也濟水一名清水地以此名辨齊魯之界此爲最確矣高氏攷畧又○按季本地考曰清今淇縣界清水合淇水入衛河之南近牧野處水經注朝歌以南暨清水土地平衍悉牧野矣地近鄭杜注以東阿清亭當之則屬齊而無預于衛矣江氏考實則疑爲齊地愚按杜注於此經曰衛邑濟北東阿縣有清亭於哀十一年清之戰曰齊地濟北盧縣東有清亭同在濟北同名清亭顧氏輿圖雖以齊之清與盧隸長清衛之清隸東阿而盧與東阿實不遠江氏疑此爲齊地似得之存以俟考

桓三年夏齊侯衛侯胥命于蒲

成九年春同盟于蒲



杜注衛地在陳畱長垣西南按蒲爲甯氏邑昭十一年傳曰衛  
蒲戚賁出獻公杜注蒲甯殖邑戚孫林父邑是也甯氏誅繼受  
蒲者爲公叔氏復以蒲叛蓋蒲爲衛之巖邑史記孔子去陳至  
蒲會公叔氏以蒲叛止孔子出遂適衛靈公問曰蒲可伐乎曰  
可公曰蒲衛之所以待晉楚也正義蒲在衛西晉楚自西向東  
先至蒲後及衛漢置長垣縣屬陳畱郡今爲直隸大名府長垣  
縣治高士奇○水經注濮渠又東逕蒲城北故衛蒲邑

莊十四年冬單伯會四國諸侯于鄆

音緝公羊一作頓

莊十五年春五國諸侯會于鄆

莊十九年秋公子結媵陳人之婦于鄆

杜注衛地今東郡鄆城按襄十四年傳衛獻公于鄆出奔齊昭  
二十年傳衛公孟彊奪齊豹司寇與鄆哀十七年傳衛侯自鄆

入皆此蓋嘗爲齊豹邑水經注鄆城在河南岸十八里河上之

邑最爲險固今曹州府濮州東舊城集故鄆城也

高士奇顧棟高

○漢

屬濟陰曹魏移屬東郡史記齊世家水經注均作甄

洪亮吉春秋左傳註

僖十五年春盟于牡邱遂次于匡

杜注匡衛地在陳畱長垣縣西南按文八年傳晉歸匡戚之田

于衛杜注匡本衛邑中屬鄭孔達伐不能克

文元年孔達侵鄭伐縣訾及匡

晉令鄭還衛及取戚田按此則匡與戚近晉歸戚田并令鄭歸匡

田耳今直隸大名府長垣縣西南有匡城卽子畏于匡之地長

垣在開州南而戚城卽在開州城北文元年傳杜注匡在潁川

新汲縣東北彙纂云是開封扶溝縣西之匡城去衛殊遠杜彼

註誤扶溝之匡爲鄭邑定六年公伐鄭取匡是也

江永

○愚按水

經注濮水東逕匡城北○前救邢先言次于聶北聶北邢地以

次爲救者也此救徐先言次于匡匡衛地不果於救者也

葉夢得傳

文元年秋公孫敖會晉侯于戚

成十五年春八國同盟于戚

襄二年秋六國大夫會于戚 冬十國大夫會于戚

襄五年秋十四國會于戚

襄十四年冬七國大夫會于戚

襄二十六年衛孫林父入于戚以叛

哀二年夏晉趙鞅納衛世子蒯瞶于戚

哀三年春齊國夏衛石曼姑圍戚

杜注衛邑在頓邱衛縣西按今大名府開州北七里有古戚城  
一名戚田晉衛縣爲今東昌府觀城縣在開州東衛臣孫氏邑  
會盟要地文元年傳晉圍戚取之獲孫昭子晉侯彊戚田公孫

敖會之是時已屬孫氏八年晉歸匡戚之田于衛成七年衛定公惡孫林父林父出奔晉衛侯如晉晉反戚焉林父昭于曾孫文子也成十四年衛獻公立孫文子不敢舍其重器于衛盡賁諸戚襄十四年獻公飲孫蒯酒使太師歌巧言之卒章杜注詩曰彼何人斯居河之麋無拳無勇職爲亂階戚衛河上邑喻文子居河上欲爲亂於是文子并帑于戚二十六年甯喜伐孫氏不克林父以戚如晉衛人侵戚東鄙孫氏愬于晉晉會澶淵以討衛疆戚田昭七年衛襄公卒晉如衛弔反戚田焉成十五年之盟曹故也襄二年之會謀鄭也五年之會通吳也十四年之會因林父立剽定衛也哀二年蒯賸遂自戚入衛蓋其地瀕河西據中國之要樞不獨衛之重地亦晉鄭吳楚之孔道也水經注河水又東北逕戚城西頓邱衛國縣西戚亭是也

高氏願氏參

襄二十五年秋衛侯入于夷儀

本邢邑後入衛見邢地

昭十三年秋會盟于平邱

杜注在陳畱長垣縣畱縣寰宇記在封邱縣東蓋縣與封邱接壤今故城在開封府陳畱縣北九十里衆彙纂高士奇○愚按水經濟水東過平邱縣南酈注北濟也縣故衛地春秋盟處

以上衛邑

僖二年秋盟于貫公作貫澤

杜注宋地梁國蒙縣西北有貫城貫與貫字相似按貫城爲古貫國漢爲蒙縣地水經注蒙縣貫城闕駟以爲貫城也高士奇顧棟高

○張氏自超說見齊楚爭盟門○按漢有貫縣自屬鉅鹿貫侯呂之國也蒙縣屬梁國蒙縣之貫無攷按三傳並作貫范注音

古亂反則非音世之貫也史記田齊世家齊伐衛取母邱索隱  
曰毋同貫古國名衛邑蓋今東昌之冠縣毋貫冠音義皆通地  
近陽穀江黃來受盟于齊自應至齊衛之境不當屈齊朱南來  
杜破文爲說非也王夫之稗疏○四庫提要云足糾杜注之失○公羊疏於僖九年  
傳貫澤之會引此年經文作貫謂地有二名知公羊經本無澤  
字陸德明所据本有澤字是唐時公羊有二本有澤字者或衍

文

趙坦異  
文箋

桓十一年盟于惡曹

惡曹杜云地闕俞氏舉曰疑是衛之曹邑也曹邑今滑州白馬  
縣當從俞氏卽今大名府滑縣春秋時衛地讀史方輿紀要云  
今滑治春秋時衛之曹邑與須相近惠氏士奇謂盟于宋地故  
不書宋厯引盟戲盟蕭魚鄭地不書鄭以證之其說非是桓十

七年盟于黃黃齊地何以序齊於紀上也杜預謂宋不書經闕焉知其非傳誤而妄以爲經闕乎愚謂蓋傳羨文也

徐卓經義未詳說

僖五年夏會于首止 秋盟于首止 止公穀作戴

按桓十八年傳齊侯師于首止成十五年傳楚侵衛及首止十七年傳諸侯伐鄭楚子重救鄭師于首止皆此桓十八年杜注衛地陳畱襄邑縣東南有首鄉按在今河南歸德府睢州治東南

南

高士奇顧棟高

○愚按水經注河水逕平縣故城北南對首陽山春

秋所謂首戴也夷齊之歌曰登彼西山矣攷宣二年傳宣子田于首山卽首陽山杜注在河東蒲坂縣樂史寰宇記首陽卽雷首之南阜此乃晉地在今蒲州府境水經河水南過蒲坂縣西條下酈注以雷首山爲夷齊所隱處當是平縣一條所指夷齊首陽似誤○公穀作首戴古音戴與載同故轉爲止

錢大昕聲類

莊二十七年冬公會齊侯于城濮

僖二十八年夏晉楚戰于城濮

杜注衛地按今曹州府濮州南七十里有臨濮城高士奇○按

城濮未審的在何地傳云晉師陳于莘晉侯登有莘之墟杜注

有莘故國名括地志古莘國在陳畱縣東則城濮亦當在陳畱

永江○衛地也經曰及楚人戰者與救衛之師戰也趙汴○傳曰

師陳于莘北莘北卽城濮林堯叟○楚救衛之師方至衛故戰

在衛地毛奇齡傳○故城在濮州南七十里與故莘國城近晉侯登

有莘之墟以觀師者也張琦戰國策釋地○趙說見晉文總論

僖十三年夏八國諸侯會于鹹

定七年秋齊鄭盟于鹹

杜注衛地東郡濮陽縣東南有鹹城後漢志濮陽鹹城或曰古



鹹國在今大名府開州東南六十里與魯地鹹別高士奇○郡

國志濮陽鹹城下引此傳爲證與魯鹹地自別卓去病辯義引

熊過氏以爲此卽叔孫得臣敗狄之地以杜云魯地爲非試問

追躡强寇有窮入鄰境者乎地名同者甚多不必强合梁履繩補釋

文十三年冬公如晉衛侯會公于沓

杜注地闕或曰沓縣以水名疑卽其地卓案沓縣在遼東與晉

稍近與魯迥遠非也魯都兗州晉都平陽鄭衛相錯于晉魯之

間魯公如晉必歷鄭衛之郊鄭伯會公於棐亦請平於晉杜註

棐鄭地則衛侯會公于沓請平于晉沓當在衛地徐卓經義未詳說

宣十二年冬同盟于清邱

杜注衛地在濮陽縣東南按今大名府開州東南七十里清

邱高五丈高士奇○愚按水經注瓠瀆東南逕清邱卽此

成二年夏衛齊戰于新築

杜注衛地按今大名府魏縣南二十里有新築城高上奇○魏

縣今省八大名縣梁履繩補釋○太康地記樂陵國有新築縣樂陵

在今山東武定州齊衛交界之境王夫之釋疏

成七年秋同盟于馬陵

杜注衛地陽平元城縣東南有地名馬陵按今大名府治東南

十五里有馬陵道又有馬陵城高上奇○又按後漢志魏郡元

城縣之馬陵卽此而志中河東平陽國亦載盟馬陵事又云衛

地一事兩注此劉昭之誤春秋會盟之地當在中州河濟四達

之衝不應深入河山奧阻之內衛地亦不得至平陽也高氏又

成十二年夏公會晉侯衛侯于瑣澤公羊作沙澤

定七年 齊衛盟于沙公作沙澤左傳作瑣

定七年杜注陽平元城縣東南有沙亭傳作瑱杜注卽沙也按

在今元城縣東

高士奇  
顧棟高

○按成十二年會瑱澤杜注地闕公羊

作沙澤定七年盟沙傳作瑱公羊亦作沙澤則瑱澤與沙當是

一地

江永

○沙古音莎與瑱音近故一作沙

趙坦異  
文箋

左穀盟沙當

是省澤字僖二年盟貫公作貫澤是左穀亦省澤字又○公羊

曰沙左氏曰瑱齊魯聲讀之異瑱卽瑱澤公羊亦作沙澤左氏

經定七年作沙與傳不合寫誤也

孔廣森經  
學卮言

○路史國名紀七

謂瑱澤卽襄十一年鄭之瑱程氏端學本義因以瑱澤爲鄭地

並誤杜氏闕此傳而解襄傳卽可見其非一地已

梁履繩  
補澤

杜云元城沙亭是沙鹿非沙也魏郡漢自有沙縣今爲涉縣乃

古沙侯國正在衛北齊西而西禦晉之孔道齊衛相結叛晉自

應在此

王夫之  
稗說

○按此說別

襄十九年冬叔孫豹會晉士句于柯

杜注魏郡內黃縣東北有柯城按在今河南彰德府內黃縣境  
莊十三年盟于柯乃齊阿邑在今山東陽穀縣東北曰阿城鎮  
本兩國地高氏攷略混爲一謂地相接者非是顧棟高

襄二十年夏十三國諸侯盟于澶淵

襄二十六年夏公會四國大夫于澶淵

澶淵衛地之近戚者晉黨於孫氏討衛而疆戚田因爲此會日講

解○杜注衛地在頓邱縣南近戚田今名繁汙按水經注浮水

故瀆上承大河于頓邱縣西北出東逕繁陽故城南引春秋杜

注繁汙作繁淵澶淵卽繁淵也亦謂之浮水應劭曰縣在繁水

之陽

見水經注

繁陽故城在今內黃縣東北澶淵當在內黃之

南開州之西北

高氏攷畧

○愚按後漢志沛國杼秋縣有澶淵

聚劉昭注誤引春秋襄二十年盟地攷抒秋在今徐州蕭縣是宋地乃襄三十年會處辨見宋地下○襄二十年盟處此故衛地是時已爲晉取矣晉取衛河北地及東至邢傳皆失其事但以後傳推之可知

姚鼐左傳補注

襄二十一年冬會于商任

杜注闕釋例土地名云未聞古屬何國高氏曰衛地或曰在今

彰德府安陽縣地

高士奇顧棟高

昭十一年秋會于厥慙公作屈緌

杜注闕或曰在今衛輝府新鄉縣境

高士奇顧棟高

○公羊作屈銀假

音字惠棟公羊古義案左傳厥慙徐仙民育五巾反說文慙讀

若銀公羊本口授故以厥爲屈

公羊厥字皆作屈

慙爲銀字異而音同

趙坦異文義

○錢氏說見蔡地厥貉

定八年夏公會晉師于瓦

杜注衛地東郡燕縣東北有瓦亭按水經注酸漬水自燕城東逕滑臺城又東南逕瓦亭南今滑縣瓦岡集古瓦亭也高士奇顧棟高

定十四年夏公會齊侯衛侯于牽公作堅又作擊

杜注魏郡黎陽縣東北有牽城按左傳晉人圍朝歌公會兩君於脾上梁之間杜注脾上梁間卽牽也路史內黃西南有故牽城今在內黃之西南濬縣之北濬縣卽漢黎陽與內黃縣接壤濬縣屬衛輝府內黃屬彰德府高士奇顧棟高○愚按水經注淇水東北逕枉人山東牽城西春秋會處○公作堅音相近也趙世異文箋

○公羊釋文堅又作擊音牽是牽堅同音故通假張壽恭古義

哀二年秋晉鄭戰于鐵公作栗亦作秩

傳曰登鐵上杜注鐵邱名在戚城南按水經注河水過濮陽縣

北東逕鐵邱南今大名府開州北有戚城其南爲王合里卽鐵

邱也

高士奇  
顧棟高

○公作栗或由聲誤

趙坦異  
文箋

哀十三年夏會于黃池

杜注陳畱封邱縣南有黃亭近濟水胡傳黃池衛地按國語夫  
差起師北征闕

音

溝於商魯之間北屬之沂西屬之濟以會晉

午于黃池沂水入于泗而濟水在封邱縣南是時夫差旣通江

淮遂率舟師自淮入泗自泗入沂復穿魯宋之境連屬水道有

不通者鑿而通之以達於封邱之濟杜氏所謂近濟水也近濟

之溝謂之黃溝水水經注濟水自陽武縣南東逕封邱縣南又

東逕大梁城北又東逕小黃縣之故城北有黃亭臨溝又謂之

黃溝縣故陽武之東黃鄉故因水以名縣也

卷七

又泗水過沛縣

東黃水注之黃水出小黃縣黃鄉黃溝春秋之黃池也

卷二  
十五漢

地理志注應劭謂是魏郡內黃之黃澤薛瓚駁之薛瓚謂是陳

畱外黃之黃溝

見漢書

劉昭駁之

後漢郡國志陳畱郡平邱有黃池亭劉昭注陳畱志黃亭在封

邱或以爲外黃縣東溝非也

惟杜注爲不可易其地今在開封府封邱縣東

南高士奇

○傳曰吳子執子服景伯以還及戶牖然則黃池當在

戶牖西北或以爲陳畱外黃縣東溝非矣

杜預釋例

○在河南開封

府封丘縣西南東西廣三里史記韓昭侯二年宋取我黃池卽

此

顧祖禹讀史方輿紀要

○後漢志平邱黃池亭注引哀十三年杜預曰

在縣南今本杜注作封邱水經濟水篇曰又東過封邱縣北又

東過平邱縣南則封邱在大梁之西北平邱在大梁之東北而

黃池實在今封邱之南乃古平邱今本杜注譌平爲封也

張琦戰國策釋

地

○林少穎云禹時江淮未通故揚之貢必由江入海以達

于淮泗至吳王夫差掘溝通水與晉會于黃池然後江淮始通



說本蘇傳今案溝通江淮事在左氏哀九年黃池之會則在十三年卽吳語所云夫差起師北征闕爲深溝通於商魯之間北屬之沂西屬之濟以會晉公午於黃池者也一自江通淮一自淮通濟本二役亦二地東坡誤合爲一

胡渭禹貢錐指

以上衛地

宣十四年秋沙鹿崩

杜注沙鹿山名平陽元城縣東有沙鹿土山在晉地災害繫於所災所害故不繫國孔疏漢書元后傳稱后祖王翁孺徙魏郡元城建公曰昔春秋沙鹿崩晉史卜之曰陰爲陽雄土火相乘後六百四十五年有聖女興以沙鹿爲山名依漢書爲義也元城郭東有五鹿之虛卽沙鹿地是晉地不言晉者凡災害繫於所災所害之處不繫於所屬之國故梁山沙鹿皆不書晉按水

經注河水逕元城縣故城西北而至沙邱堰又引郡國志五鹿

故沙鹿有沙亭皆以沙鹿山得名山在今北直大名府元城縣

東四十五里其西有沙鹿城高氏顧氏纂參○又按元城之五鹿與

衛地五鹿同名今大名府五鹿城二屬元城者即沙鹿城其一

屬開州傳二十三年○此時晉之東境未能至元城當是衛地

永○晉當獻惠之世未嘗越太行王屋而東有尺寸之土大名

在東昌封邱之間鄭衛之界中隔衛邢及狄晉安得遙而有之

實衛地也若卜偃之言則災繫天下而無德者當之自是十年

之內齊國亂宋襄被執中國無霸則災應不獨晉也王夫之稗疏○

公羊見梁山言山此不言山故意其為邑豈知梁一字故言山

沙鹿二字故不言山省文之法何足疑乎果邑也當言陷不當

言崩崩者上墜之形惟山可言崩耳程端學三傳辨疑○辨公羊及穀

梁諸說參看災異門○愚按沙鹿山名杜注是公羊以為邑穀  
梁以鹿為山足皆非又按山是衛地江氏考實王氏稗疏說是  
顧氏三傳異同篇從姜氏寶亦以為非晉地乃為天下記異也

姜說見  
災異門

定八年冬衛鄭盟于曲濮

杜注衛地按曲濮為濮水曲折處猶言河曲汾曲也濮渠首受  
濟水東流至祭城分為二瀆北濮出焉又東逕須城北詩云思  
須與漕者也又北迤邐而東入乘氏縣由鉅野以入濟水經注  
濟水篇  
曲濮在今山東曹州府濮州境高氏攷畧顧  
氏山川表

隱四年秋衛人殺州吁于濮

杜注陳地水名高氏攷略曰即濮水也水經濮水出河南密縣  
大騭山酈注引昭九年遷城父人于陳以夷濮西田益之杜頂

曰以夷田在濮水西者與城父人也服虔曰濮水名也顧氏大  
事表從之愚按僖二十三年楚伐陳取焦夷二邑夷卽楚之城  
父則陳地固應有濮水矣然江氏考實謂當是衛之濮水据傳  
與經書法其說得之江氏云孔疏引哀二十七年傳齊師及濮  
杜注濮自陳畱酸棗縣傍河東北經濟陰至高平鉅野而入濟  
與此名同實異按傳謂陳人執州吁而請蒞于衛衛人使右宰  
醜蒞殺州吁于濮蓋陳人執州吁送至衛之濮水衛人於是蒞  
殺之故經詳其地若是陳地則經當書殺于陳不必言其地也  
愚按傳云蒞殺州吁于濮蒞殺石厚于陳分明是兩國之地兩  
處殺也濮是衛地故詳其地否則當書殺于陳矣洵爲確論惟  
江氏謂陳地恐無濮水則未考昭九年之傳也陳之濮水卽水  
經注之沙水昭九年彙纂引之與衛水同名而此則當爲衛水耳○濮

衛地衛有城濮宛濮皆以濮水得名

李本地考

○水經河水至酸棗

縣濮水出焉又曰瓠子水東過廩邱爲濮水酸棗今延津廩邱

今范縣蓋西自延津東至濮州皆濮水之濱特地在河北與陳

隔限大河杜云陳地非也此時衛未東徙尚都衛輝而延津在

其東南爲邊境自陳至衛之孔道殺之於境上也若後漢志以

東郡漢陽當之則迂道而東非陳至衛之途蓋亦未審

王夫之碑疏○

四庫提要云足以補杜注之闕

○齊人殺無知於國則不地此書地著衛人討

賊之難也

張自超宗朱辨義

○穀梁謂于濮譏失賊非也若然則當書

陳人殺衛州吁如蔡人殺陳佗而後可也不稱陳而稱衛人謂

之失賊可乎

惠士奇春秋說

○于濮紀實也弑君之賊當窮討焉耳以

爲譏失賊非也

何焯讀書記

○按孫氏復以書于濮爲貶衛臣討賊

之緩亦非

以上衛山川

補地名

朝歌

王隱晉書地道記曰本沫邑也

惠棟後漢書補注

垂隴

京相璠曰鄭地今縣東三十里有故隴城

又

裴林

水經注引郡國志云苑陵有林鄉亭與此異史記蘇秦曰二困

于林中徐廣曰卽林鄉也劉氏云林地名蓋春秋鄭地裴林

又

春秋屬辭辨例編

卷四十七

五

春秋屬辭辨例編卷四十七終